

Universitäts- und Landesbibliothek Bonn

Patmut'iin Hamarot Aġuanic' Erkri

Hasan-Jalalean, Esayi


Yerusagêm, 1868

urn:nbn:de:hbz:5:1-57797

Պ Ա Տ Մ Ո Ւ Թ Ի Ի Ն

Հ Ա Մ Ա Ռ Օ Տ

ԱՂՈՒԱՆԻՑ ԵՐԿՐԻ



Պ Ա Տ Մ Ո Ի Թ Ի Ի Ն

Հ Ա Մ Ա Ռ Օ Տ

Ա Ղ Ո Ի Ա Ն Ի Ց Ե Ր Կ Ր Ի

Յ Օ Ր Ի Ն Ե Ա Լ

Ի Տ . Ե Ս Ա Յ Ի Ա Ղ Ո Ի Ա Ն Ի Ց Կ Ա Թ Ո Ղ Ի Կ Ո Ս Է

Հ Ա Ս Ա Ն Զ Ա Լ Ա Լ Ե Ա Ն Ց



Ի Տ Պ Ա Ր Ա Ն Ի

Ա Ռ Ա Բ Ե Լ Ա Կ Ա Ն Ա Թ Ո Ռ Ո Յ Ս . Յ Ա Կ Ո Վ Բ Ե Ա Ն Ց

Յ Ե Ր Ո Ի Ս Ա Ղ Է Մ

1868—ՌՅԺԷ

Ի ԲԱՀԱՆԱՅԱԳԵՏՈՒԹԵԱՆ

Տ. Տ. ԳԵՈՐԳԻԱՅ

ԱՍՏՈՒԱԾԸՆՏԻՐ ՎԵՀԱՓԱՌ ԿԱԹՈՂԻԿՈՍԻ

ԱՄԵՆԱՅՆ ՀԱՅՈՑ

ՀՐԱՄԱՆԱԻ

Տ. Տ. ԵՍԱՅԵԱՅ ՍՐԲԱԶԱՆ

ԱՐՔԵՊԻՍԿՈՊՈՍԻ

ԵՒ ՊԱՏՐԻԱՐԿԻ Ս. ԵՐՈՒՍԱԿԻՄԱՅ

ԵՒ Ի ՊԱՏՐԻԱՐԿՈՒԹԵԱՆ ԿՈՍՏԱՆԴՆՈՒՊՈԼԿՈՑ

Տ. Տ. ՊՕՂՈՍԻ ՍՐԲԱԶԱՆ

ԱՐՔԵՊԻՍԿՈՊՈՍԻ

Ն Ե Ր Ա Ծ Ո Ւ Թ Ի Ի Ն

Եսայի Աթոռակիտոս, որոյ անուէն թերեւս
 գտանիցի ի գաւազանագիրս Աթոռակիտոսաց
 տանն Աղուանից, այլ մեք ի ձեռն առա-
 ջիկայ երկասիրութեանս եթ ծանօթանամք
 անուան նորին, էր՝ որպէս յայտ է, ի հնա-
 գոյն յերեւելի և յիշխանազուն տոհմէն
 Հասան Սալալեանց, որոց կենցաղ և գործք
 նշանաւորք՝ ունին զփառաւոր տեղի յազգա-
 յին պատմութեանս: Նստաւ սա Աթոռն
 Ատորապօրտութեան Գանձասարայ, (որոյ
 գահակալք կոչէին Աթոռակիտոս Աղուանից,) յառաջնում
 քառորդի ութեւասաներորդ
 դարու. սակայն չունիմք ի ձեռին կարեւոր
 և սոոյգ ծանօթութիւնս զվարուց իւրոց
 և զկենաց. այլ այս ճշմարիտ է՝ զի ընդ այ-
 լոց նախորդացն իւրոց համեմատեալ զսա,
 գտանեմք ըստ բաւականին տեղեակ ազգա-
 յին դպրութեան և նախանձաւոր գործոց
 բարեաց, մանաւանդ եթէ վառեալ ի սէր ազ-
 գին իւրոյ, զգուշաւոր և փոյթ ի վարթու-
 ցանել ի համազգայինսն զոգի արիութեան
 և զյիշատակ քաջագործութեանց նախնեաց
 և զզինւորութեանցն՝ որ ընդդէմ թշնամեաց
 եկեղեցւոյն իւրեանց և ազգայնութեան:

Այսօրիկ թափառանցի իմն նշմարին ի հա-
կիրձ տեսութեան անդ զոր տայ մեզ պատ-
մագիրս յառաջիկայ երկասիրութեան իւ-
րում. որ թէպէտ վերջացեալ գտանի դա-
սական և ի կանոնաւոր ոճոյ նախնի դըպ-
րութեան մերոյ, և ուրեք ստորին յոյժ յա-
սացուածս իւր և ի բացաւորութիւնս իմաս-
տից, մինչեւ գաւառական բառս և օտա-
րազգիս եւս առնուլ ի կիր. սակայն կարե-
ւորութիւնն զոր տամք աշխատութեան
առնս՝ են պատմական տեսութիւնք անցից
վերջին դարուս, որ գործեցան ի մէջ Պարսից
և աշխարհին Վրաց և Աղուանից, և յարա-
բերութիւնքն որ ընդ ազգային պատմու-
թեանս են, որք և ձգին մինչեւ ցամն Տեա-
ռն 1723 :

Առաջին անգամ տպեալ է մատեանս ի
Հոլշի քաղաքի, յամի 1839, հրամանաւ և
ծախիւք Ռադդասարայ Հասան Գալալեանց՝
Աբբեպիսկոպոսի և Ասպետի Սեորապօլտի
և վիճակաւոր Առաջնորդի Վարապաղու և
այլոց :



Յ Ա Ռ Ա Ջ Ա Բ Ա Ն Ո Ի Թ Ի Ի Ն

Ոմանք յառաջին՝ մանաւանդ թէ յողովք
ի նախկին կորովամիտ իմաստուն և քաջ նա
և ի սուրբ արանց յառաջ բերեալ իւրաքան
չիւր դարուց և ժամանակաց զեղեալ եղ
եալ իրաց պատմութիւնս հոգեւորաց և
մարմնաւորաց, շարագրեալ թողին ինքեանց
առյապապս եկեղոց ի յիշատակ և ի զգուշու
թիւն : Որոց զանուանս նոցին ոմանց արանց
լուեալ մեր շարագրեցաք աստ սակս պատ
ճառաց երկուց : Առաջին զի դիտաւորութիւն
բանիս առ պատմութիւնս ներկայիս է՝ յու
րում եմքս . որոյ նիւթ բանից և շարա
գրութիւն բառից ի նոցին ուսեալ գորով
գրոց, մի լիցուք աստերախտ նոցին երախ
տեաց՝ արտաքոյ թողլով զանուանս արանցն
երախտաւորաց : Այլ երկրորդ՝ ի նոցանէ
թէ պէտ ոմանք ի յազգէ Հրէից էին և ի
հեթանոսաց, և ոմանք յայլազգ քրիստոնէից՝
այսինքն Յունաց, Ասորուց և Ատիւնաց, և
այլք ի մերս Հայոց ազգէ . սակայն բանք և
վիպասանութիւնք նոցա ոչ է թարց շնոր
հաց ամենազօր Հոգւոյն սրբոյ Աստուծոյ .
որոյ այսօր տօնախմբութիւնս է ի գլուխ
յոբելեանի պենտեկոստէիս : Բնդ որոց և

Ը

գիտական լեալ ասի ի Յովհաննէս Ռափա,
յէլ Վմինէ, որ և ածաւ ի լոյս տպագրու-
թեամբ յընթացս ամի անցելոյ, շնորհիւ
աշխատասիրութեան Վիկտոր անկլոյ գաղ-
ղիացւոյ հայագիտի, և որպէս պատմէ սա-
ինքն, բնագիր թարգմանութեանս գտեալ
է ի միում ճառընտրի եղելոյ ի կայսերական
գրատան Փարիզու: Ի բաղդատել մեր ըզ-
ոյն ընդ մերումս բնագրի, բաց ի դուզ-
նաբեայ զանազանութեանց գտաք ի նմա
զպատմութիւն գիւտի սրբոյ խաչին ի ձե-
ւըն Պատրոնիկեայ թագուհւոյն Աղօղխոյ
կայսեր: Աւ զի պարագայք պատմութեանս
այսորիկ ըստ մասին իմիք նման է պատմու-
թեան Հեղինեայ մօր մեծի Արստանդիանոսի-
որ համարի երկրորդ գտիչ սրբոյ խաչին, վա-
սըն որոյ անկլոս ասէ զառաջնոյն՝ լինել վը-
բիպակ ժամանակագրական և յայլոց ոմանց
հետագայից մուծեալ ի բնագիրն: Թէպէտ
և չգուցէ մեր առձեռն պատշատ վիայու-
թիւնք ի նպատ ստուգութեան պատմու-
թեանս, յայլոց պատմաբանից երիցագունից
ժամանակաւ խօսեցեալ, սակայն չմեղանչէ
ոք թերեւս ընդդէմ պատմական ստուգու-
թեան՝ կարծել զառաջին գիւտ խաչին ե-
ղեալ ի ձեռն Պատրոնիկեայ, որ եկաց յաւու-

Մովսէս Աղուանից պատմագիր Աաղանկա-
տուացի, Ուխտանէս Եպիսկոպոս Ուրհայու,
Ստեփաննոս վարդապետ Ասողնիկ, Առիտա-
կէս վարդապետ Վաստիվերացի, Մատ-
թէոս վանաց երէց Ուրհայու, Սամուէլ
քահանայ կաթողիկէին Անուոյ, Վանական
վարդապետ Տաւուշոյ, և Աիրակոս վարդա-
պետ և Վարդան նորին աշակերտք : Ապա
հուսկ վերջին և հուսկ ի յետինքս Առաքել
վարդապետ Բաւրիժեցի, որ ունի պատմու-
թիւնս ամաց իբրեւ վաթսուն և հնգից,
սկսեալ ի թուէն մինչեւ ի թճԺԵ թիւն
հասեալ դադարէ : Արդ՝ եթէ գոն այլ
ինչ պատմութիւնք ի մէջ մեր և կամ այլ
ազգաց, թողաք զայն ի գիտունս նոցին, և
զայս միայն յիշեցաք զոր ի գիրս մեր գտաք :

Եւ արդ՝ սոցին աստ յիշեցելոց արանց
ոմանք, սկսան որ առաւել հմտագոյնքն էին,
ի Ստեղծողէն զարարածս, և ի նախկին մար-
դոյն Ադամայ, և ոճով իմն անցանելով ընդ
դարս և ընդ ժամանակս, և աւարտեալ
մինչեւ ի յինքեանց իսկ կեանս : Իսկ ոմանք
ինչանաւոր դարուց և ի քաջազօր թագա-
ւորաց և ի սքանչելի արանց սկիզբն եղեալ
են զբանս իւրեանց, և այսպէս իրաց ինչ ե-
ղելոց մեծամեծաց և փոքունց, և այլ եւս

Ժ

ի բռնակալաց արանց և ի գոռոզաց տիրու
ղաց, և ընդ հաւատոյս Քրիստոսի և եկե-
ղեցւոյ նորին մրցողաց, և հերձուածողաց
ամբարշտաց, և նեղութեանց ժամանակաց:
Նաեւ խաղաղարար և բարեպաշտ թագա-
ւորաց և իշխանաց, աշխարհի շինութեանց
և եկեղեցւոյ բարեկարգութեանց, և թշնա-
մեաց յաղթութեանց. եւս շարայարեալ
են ընդ պատմութիւնս զանազանս և հիւս-
ցուցանօղս արժանիս լսելեաց, և հասու-
ցեալ են մինչ առ իւրաքանչիւր ժամանակս՝
առ իխրատ և յօգուտ և ի զգաստութիւն
յետագայիցս: Արպէս զի բարեաց արանց
նախանձաւորքն ընդ բարիսն գովեսցին, և
չարքն և արհամարհեալքն ընդ նախկին չա-
րեացն արհամարհեալք արտաքսեսցին:

Այլ արդ՝ եղբարք իմ սիրեցեալք ի տէր-
քանզի նոքա ի ժամանակս տէրութեան քը-
րիստոնէից թագաւորաց և իշխանաց բա-
րեպաշտից գորով, և կամ թէ ընդ իշխա-
նութեամբ այլազգեաց բռնաւորաց ան-
կեալ, որք թէպէտ թշնամիք օրինաց են, այլ
կամին շինութիւն և խաղաղութիւն աշխար-
հի և յօլովութիւն ռամկաց վասն օգտի իւ-
րեանց, այնքան աղէտս և կսկիծ և տառա-
պանս, և աղաղակ, և ամբաստանութիւնս

տրտնջանօք հանդերձ գրեալ են ի պատմու-
 թիւնս իւրեանց, որ և քաջայայտ իսկ է ձե-
 րում իմաստութեան: Ապա ո՞րչափ և քա-
 նիցս և քանիպատիկ պարտիմք մեք ող-
 բալ և հառաչել և աւաղել զողորմելի կեա-
 նրս մեր, և երկոքումք ձեռօք հարկանել
 զգլուխս, և վնշ կարդալ զկորստեամբք մե-
 րովք, որ ոչ միայն ի թագաւորաց մերոց և
 յիշխանաց զրկեցաք, այլ և յայլազգի գոռո-
 ղաց և ի բռնակալաց, որ ակամայ կամօք
 հաճեալ և հնազանդեալ էաք ընդ տէրու-
 թեամբ նոցին (մնալ) բազում ժամանակս:
 Որք թէպէտ հակառակ էին եկեղեցւոյ և օ-
 րինաց սրբոց, այլ ոչ իսպառ զիմամարտէին:
 Եւ թէպէտ կեղեքէին, և կողոպտէին ըզ-
 կեանս մեր, այլ ապահով և խաղաղ եւս
 պահէին զմեզ յարտաքին և յօտար թշնա-
 մեաց և յաւարչաց: Օնոսին եւս եբարձ
 տէր Աստուած մեր յերեսաց իւրոց և ի
 մէնջ, եթէ վասն անկշռելի և անչափելի և
 անհամար մեղաց մերոց էր որում յաւէտ
 արժանի եմք՝ զոր կրեմքս, և եթէ յաղագս
 չափուց իւրեանց լրմանն՝ որ անցեալ էին
 քան զչափ բնութեանս մարդկան և օրէ-
 նադրին իւրեանց յափշտակութեամբ, զրկո-
 ղութեամբ, կաշառառութեամբ, պղծագոր-

ծու թեամբ, և ամենայն իրօք չարեօք, թերեւս արժանն տարաւ ի սեղի հատուցման, որ շեղելոց զգործսն քննէ, և զչգոյն իբրեւ զգոյ կոչէ. նմա միայնոյ է գիտելի, և կարող է հատուցանել զհատուցումն նոցանոցին:

Այլ դուք սրով եղանակաւ և կամիք ընտրեցէք. բաց ի մեզ եհաս և կատարեցաւ հրաման Տեառն մերոյ և Փրկչին՝ թէ և տարադէպ է ինքեան, եթէ « Հարից զհովիւն և ցրուեսցի հօտն »: Այսպէս եղել և մեզ. զի յրնտանի հաւատակից հովուաց վաղ ուրեմն էաք զբիւտալք, այժմ յօտարաւ հաւատ և յայլակրօն տերանց եւս մեկուսացաք. և եղաք իբրեւ նաւաբեկ ոք որ ի մէջ կոհակացեալ ալեաց ծովուն տարաբերի ուտիւք և ձեռօք, և ոչ ուստեքէ լինի վրուկու թիւն: Քանզի և ես այսպէս գիտեմ՝ թէ ի հնումն և թէ ի նորումս սուրբ հարքըն որքան ողբք և սուգ զոր ասացեալ և գրեալ են, զայն նախագիտութեամբ վասն այսր ժամանակիս է, և վասն մեր՝ և ոչ իւրեանց: Վասն որոյ ոչ կարեմ տալ լուծութեան. թէպէտ հայիմ և չափեմ զկարողութիւն անձին իմոյ, և սեսանեմ յոյժ տըկար և անիմաստ և յոռի քան զամենայն:

մանկուհիս և զպաշտօնեայս եկեղեցւոյ, և
 քան զուսումնակիցս իմ և ընկերս ըստ ժա-
 մանակիս, մանաւանդ թէ մեղօք զառա-
 ծեալ և թշուառական կենօք զբաղեալս .
 ոակայն հայիմ ի քաջն և ի գիտունսն քան
 զիս, զի լուեալ յայսմ ամենայնէ անխոյթ առ-
 նեն, և հարկանելոյ սրտիս ոչ տոկալ այսմ
 անտանելի աղետիս, այլ յուսացեալ յամե-
 նագօր աջ Տեառն և յառատաձիր պարգեւս
 Հոգւոյն՝ որ խլից լսել տայ, համերց խօսել,
 և արժանաւոր աղօթիւք Տիրուհւոյ Աուսին,
 և Արապետին սրբոյ, և ի լոյս ածողին զմեզ
 բազմերախտ հօրն մերոյ մեծին Արիգո-
 րի, և ամենայն սրբոց և եղբարց սրբանուէ-
 րից, արկի զանձն իմ ի հոգս գործոյս սցառ-
 րիկ մտատանջի, վստահացեալ ոչ թէ ի կարո-
 զութիւն իմ՝ այլ ի սէր սրբասէր և հեղա-
 բարոյ եղբայրութեան ձերոյ: Աման որոյ հայ-
 ցեմ և ժտեմ խոնարհաբար զիջանել ըստ
 աշակերտացն Տեառն, մանաւանդ թէ աղօ-
 թիւք օգնել, և մի քամահելով և պաւտելով
 զանց առնել, գողով և ձեր կարեկից և բը-
 նութենակից մեզ ըստ բնութեան. զի և ի
 գիրս աստուածայինս ի յղով տեղիս մարդա-
 սիրութեամբն իւրով իբք նուաստ առա-
 ւել յարգի և գովի՝ քան զառաւելն և լղ-

ԺԴ

մեծամեծս : Եւ վասն խորանին վկայութեան
սպասու այժեայս եւս նուիրեցին ընծայա-
բերքն , և Տէրն իսկ գովեաց զլուծայս այր-
ւոյն . և գունակ նմին և ես աղերսեմ ըն-
դունել ձեզ զտրակս զայս իբրեւ զնոյն . որ
իբրեւ ի մէջ գիշերի թանձրամած խաւա-
րեալ վերջացեալ ժամանակիս հազիւ թէ
այսքանս ընձեռել կարացաք ապագայից ըն-
թերցասէր եղբարցդ , ի փառս Հօր և Ար-
դւոյ և սրբոյ Հոգւոյն , և ի յօգուտ բօ-
ղացդ :

Ն . Օ . Ըստուծոյ
Կախողիոս Աղուանից՝ Տէր Եսայի
Հասան Գալաթեանց :



Հ Ա Մ Ա Ռ Օ Տ Պ Ա Տ Մ Ո Ւ Թ Ի Ի Ն

Ա Ղ Ո Ւ Ա Ն Ի Ց Ե Ր Կ Ր Ի



Գ Լ Ո Ւ Ի Ա

Ը ՆԻ Ժամանակս թագաւորութեանս
ազգին Պարսից՝ որ են կրօնիւք Վահմետա-
կանի, յորում տիրէին բռնակայութեամբ
սկսեալ ի Կովկասային լեռնէ, և ի յեզերաց
Կասպիական ծովուն, (որ երկաթի դուռն
կոչի,) մինչեւ ի Վաղանդարան և Կստարա-
պատ . և անտի սահմանօքն Զօղսեկու
հատեալ ի Խորասան, և ի Ղանտահար
բերդ, և անտի ձգեալ յեզր ծովուն Հնդ-
կաց ի Բանտար քաղաք և այսր ի Շիրազ . և
միջոցաւ երկրաւ հասեալ մինչեւ ի Բաբե-
լոն (այսինքն՝ Պաղտադ .) անդէն և այսր հա-
տեալ սահմանօք հասեալ մինչեւ ի Համա-
տան և ի ծովն Վանայ . յորմէ և սահմանօքն
Վարաց հասեալ ի Խոյ և ի Վալմաստ . և
Նախջաւանաւ հատեալ ի Ալքրասխ գետ,

և անտի Սահաթիւ կաղզուանաւ և կողբաւ
անցեալ ի գետն Ախուրեան՝ որ կոչի Արփայ
—չայի : Եւ անտի անցեալ Ղայղուլի ան-
ուամբ նահանգիւ և ի սահմանս Արաց ի
Տիլիսիս քաղաք և ի կախէթ իւրովք բոլոր
թեմիւք և թումանօք : Եւ ապա հատանի ի
լեառն կովկասու , դարձեալ ի նոյն ամուրն
Հունարակերտ , (այսինքն՝ Վարբանդ ,) և ի
տեղի կայից գլխաւորի լեռնորդացն զոր
Շամիալն անուանեն , և անուն տեղւոյ նու-
րին Թարխու կոչեցեալ : Արդ՝ ի յայս միջո-
ցի ծոցոյ երկրիս արեւելեայց խառն ընդ
հարաւ և ընդ հիւսիս կողմանս Եւրոպիոյ՝
տիրեալ էին ազգն Պարսից որ Ղզըլպաշն
կոչիւր , ունելով զաթուռ և զգահ արքայու-
թեան իւրեանց զամենահռչակ արքայա-
նիստ մայրաքաղաքն Շօշ , (այսինքն է՝ Ար-
պահան , և անդ կալով թագաւորացն՝ տիրեն
և իշխեն միճակեալ իւրոց հնազանդելոց
ազգացն ձգեալ յաջ և յահեակ զթեւս
իշխանութեան իւրեանց :

Այլ արդ՝ աստանօր տարակուսիմք սա-
կրս նախնի ցեղապետութեանց՝ թէ յորմէ
ազգէ և ճննոց սերեցան սորա թագաւո-
րազունք , և կամ յորմէ հետէ յառաջա-
ցեալք եղեն , քանզի սրբազան հայրն մեր

Մովսէս քերթողն հաւաստէ մեզ այսպէս ,
 եթէ « Արշակ քաջ պարթեւն վանեալ ըզ-
 Մակեդոնացիսն՝ զդայեակորդիսն Աղէքսան-
 դրի , որ ամս վաթսուն և կամ աւելի կա-
 լեալ ունէին զթագաւորութիւնն Պարսից ,
 որ և զեղբայրն իւր Վաղարշակ երկրորդ
 իւր կարգեալ թագաւոր ի Հայս առաքէ » :
 Եւ այսպէս ի միոյ ցեղէ եղեալք երկուց
 աղգաց Պարսից և Հայոց թագաւորք պար-
 թեւքն՝ մինչեւ ի ժամանակս Սասանականին
 Արտաշրի սպանանելոյ զԱրտաւան արքայ
 Արշակունի . և ինքն կորդեալ զթագաւո-
 րութիւնն Պարսից . և ազգաց տիրեաց մին-
 չեւ յերեւոմն Մահմետի . որ զկնի երեսուն
 կամ աւելի և սակաս ամի տիրելոյն իւ-
 րեանց , սարսին զՅազկերտ արքայ Պար-
 սից , և տիրեցին նոցին իշխանութեան . յոր-
 մէ տիրապետեալ ոմն Մահմուտ անուն
 քոնացեալ ի Ռահլ , և անտի մինչեւ ի Խու-
 րասան . և ապա փոխանակելով զմիմեանս
 յառաջացեալ առին զՀռէ : Իսկ որդի
 Մահմուտին Մասիսուտ անուն ի Հռէոյ է-
 առ զԱշապուր , զԿազուին , զԱսպահան , և
 զամենայն տունն Աբազու և զՔրտաստան .
 (այս ըստ սրբոյ վարդապետին Վարդա-
 նայ :) Եւ ապա ասէ զսոցանէ՝ որդի զհայր

փոխանակելով յերկար ժամանակս նստան
 ի Խաղուին, որոց անուանք են այսոքիկ, Ա-
 բու-ալի, Տաւութ, Օղորպէկ, Ապու-թա-
 լիպ, Տողրիլպէկ, որ զօրացեալ ի Խալիփա-
 յէն, և առեալ զհրաման և անուէն սուլդա-
 նութեան, ընդարձակեաց զսահմանն իւր
 սկսեալ ի Խորասանայ՝ և զամենայն երկիրն
 Պարսից :

Օսա փոխանորդէ Աբիասլան եղ-
 բօրորդի իւր, և զկնի նորա Աէլիք շահ
 կոչեցեալ. և ապա Վահմուտ սուլդան, և
 յետ նորա Բաքարուիս. և որդի Վահմուտ
 սուլդանին եհար զԲաքարուիսն, և ինքն
 սուլդանացաւ : Եւ զկնի Վահմուտի որդի
 նորա. և Վանճար սուլդան ոմն սարանանէ
 զնա և առնու զիշխանութիւնն. և ապա Տա-
 ւութ որդի նորա, և զկնի Տողրիլ. և յետ
 նորա Վախսուտ. և ապա միւս Տողրիլ. ըզ-
 կնի որոյ Աբիասլան, որ էառ զԱնի քա-
 ղաք մինչեւ ի Վրաց սուէն, որ և պատ-
 ուեալ ի Խալիփայէն իւրեանց : Եւ այս Աբ-
 փասլան փոխեաց այլի Տողրիլ. և ապա
 Շահի արմէն, և զկնի Ալտկուզ. զկնի որոյ
 Փահլուան և Խղելասլան որդիք սորա՝ որ ի
 միասին տիրեցին աշխարհաց. և այս հասա-
 նի մինչեւ ի ռիզ թիւս հայոց : Եւ այս միջս.

ցի ոչ գտաք զորոյէսն , բայց սոյն վարդապետ ասէ , թէ ի ոհմէ թուին եկն թաթարն , և ի խորատանու փախոյց զարդիս խորազմ շահին : Իսկ գալուստ թաթարին և փախուցանել զՍ լալալապին սուլդանն ի խորատանայ , և յառաջ խոսղալն առ մեզ , և յաղթելն և տիրելն ամենայն երկրի , և վիճակելով ելանելն և առնուլն զտիեզերս , և պէս պէս չարութիւնք և գործք նոցին զորանցուցին ընդ ամենայն ազգս արեւելից և արեւմտից , հիւսիսոյ և հարաւոյ , զայս ամենայն ուսուցանեն լի ըստ միջէ Վանահան , Արրակոս , և սոյն Վարդան վարդապետք և պատմագիրք , որք և հասուցանեն մինչեւ ի չմէ թիւս զպատմութիւն բռնակարութեան սոցա . և զկնի ոչ գտաք զորքանութիւն ամաց իշխանութեան սոցա . և կամ թէ նրով եղանակաւ բարձան , և ո՛վ որ էր որ հալածեաց և չբացոյց զնոսա յաշխարհէս մերմէ . և կամ ո՛րք էին որք տիրեցին և բռնակալեցան երկրին Պարսից . մինչեւ ասի ի այլե թուին գալն թամուրլանկին , որ և նա գաղանաբար եկեր և մանրեաց , և ըզմնացորդսն առ ոտն եհար ըստ տեսլեանն . և զամենայն տիեզերս ի հարկի կացոյց , սկսեալ ի Վարդանտայ մինչեւ ցՊամսրիա և

ցլ, գիպտոս, ժամս ութ և տասն մաշելով ի սուր զամենայն հասակ, և քայքայելով զեկեղեցիս ուր եհաս գնացք ոտիցն, որոյ ըհհանգամանս չարագործութեանն պատմէ քեզ թովմա վարդապետ Արծրունի : Եւ ըզկնի սորին գալ Վարայ Յուսուփ չարին ասէ ի պճե թուին, և կերպակերպ չարիք նորին. զկնի որոյ ի ան թուին Շահուխ ոմն կրկնաչարագոյն քան զնա երեւեալ, և ապա Պաղաթայն : Յետ այսորիկ Պհան շահն ազգաւ թուրք, որ թագաւորակերպ տիրեալ բոլոր երկրին Պարսից ի պճը թուին. և զսա փոխանորդէ Կաղուբ փատշահ որդի իւր, ի ջլք թուին հայոց :

Այս Կաղուբ թագաւոր որ նստէր ի Դաւրէժ շահաստանի, փեսայացոյց ինքեան ի քոյր իւր զչէխ Հայտարն, որ էր որդի Շէխսեփուռն որ նստէրն Արտաւիլ քաղաքի : Այս չէխ եղելոց սկիզբն և ազգն և որ պիտութիւնն ոչ գտաք ուրեք թէ ո՛ր, կամ յորմէ պեղէ յառաջացեալ բնակեցան աստ : Այս չէխ Հայտարին ծնանի որդի մի զոր անուանեն Իսմայէլ, և վասն ոչ ունեւոյ զաւակ Կաղուբ թագաւորին, վասն որոյ չէխըն և կինն իւր խորհեցան հնարիւք իմն սպանանել զԿաղուբն, զի ինքեանց և որդւոյ

իւրեանց մնասցէ ժառանգ թագաւորու
 թեան . որ և արարին իսկ : Քանզի կոչեցին
 զնա ի պատճառս պատուոյ , և պատրաստեցին
 նմա կերակուր մահարար , և ի ճաշակելն նո-
 րա՝ իսկոյն զգաց . և ապա բռնի հրամայեաց
 ուտել և ինքեանց . և այսպէս ի միում ժա-
 մու մահացան թագաւորն և քոյր իւր և
 շէխն . և յաղմկել զօրացն՝ զմանուկն Իսմայէլ
 փախուցին ի Աղթամար կղզի . (այս ըստ
 Առաքել վարդապետի դաւրիժեցւոյ վիպա-
 սանութեան .) և այսու զինի զմիմեամբք ե-
 լեալ յառաջացան ի գահ իշխանութեան . որ
 և Սնխուր անուն ոմն բռնացաւ և տիրեաց ,
 և հաստատեաց զաթոռ իւր Ասպահան
 ի ջիւր թուին . և յետ նորա Ալփանդն սուղ
 ժամանակաւ . որ և տեւեցին մինչեւ ի ԾԺ
 թիւն հայոց : Արդ որպէս ի գլուխ ճառիս
 խորշելով խոյս ետու ըստ կարգի և ըստ
 ազգաշարութեան ողջոյն գիտել և գրել ըզ-
 կարգ թագաւորութեանն Պարսից , որպէս
 որդի զհայր փոխանակեալ : Այլ այսքան
 միայն ի հնագիր պատմութեանց հաւաքեալ
 զանուանս երեւելի և նշանաւոր արանց
 գոռոզաց և ամբարշտաց , հասուցաք մին-
 չեւ ցոյս վայր՝ ի զբօսանս եղբարց մերոյ
 սիրելեաց . և Քրիստոսի Աստուծոյ մերոյ
 փառք յաւիտեանս , ամէն :

Յաղագս սկզբան Ռաֆա-որո-նեան Պարսից , և որք
 Կարճագոյն-իս իոյն . և խանգարման իշխանո-նեան
 նոյն :

Արդ՝ որպէս ասացաք զսպանու մն Կա-
 ղուբ Թագաւորին և շէխ Հայտարին , և
 փախուցանելն զմանուկն Իսմայէլ ի Ղա-
 Թամար կողի , և զկնի ամոց ինչ զարգանա-
 լոյ աղային՝ աղմուկ շիտթի ոչ սակաւ լինէր
 տանն Պարսից . և ապա միաբանեալ զօրա-
 գլխաց և զօրացն հանեն զԻսմայէլն ի կող-
 ղոյն և Թագաւորեցուցանեն ի յինքեանց
 յերայ ասելով , թէ սա է ժառանգ երկուց
 կողմանցն , այսինքն շէխին , և գորով քվեր որ-
 դի Կաղուբ Թագաւորին , և սմա անկ է
 Թագաւորութիւնն . վասն որոյ հնազան-
 դեցան և երկրպագին նմա : Աւ նա ելեալ
 ի ջժ Թուին , նախ հալածէ զյառաջ ա-
 սացեալ զԱլլանդն , և յինքն գրաւէ զԷ-
 խանութիւնն . և ապա պատերազմեալ ընդ-
 յաջ և յահեակ Թշնամիան դամս քսան և
 հինգ , ընդարձակէ զասհմանս իւր ըստ կա-
 րողութեան . և վարեալ զԷլխանութիւնն՝ մե-
 ռանի ի ջհե Թուին : Սկնի որոյ Թագաւորէ

որդի սորին շահ թահմազ ի նոյն ամի այր քաջ
 և արի: Սա յորով տեղիս արար ընդ իւրով
 իշխանութեամբ, որպէս զԱտրպատական և
 Վրաց աշխարհն բռնութեամբ հնազանդե-
 ցոյց. և ի կողմանս Խորասանու նոյնպէս
 ընդարձակեաց. նա և բազում կարգս ուղ-
 զեաց իշխանութեան իւրում և թեթեւու-
 թիւնս հարկաց, որպէս և ասեն: Այլ սա
 վախճանի ի ռիդ թուականին, և փոխանակ
 կացուցանեն զորդին իւր Խամայէլ ան-
 ուամբ. որոյ կամեցեալ զբռնագլուխ
 սրն և զանհնազանդ խորամանկսն ի զօրա-
 գլխաց և զօրաց իւրոց բառնալ յերեսաց.
 Իսկ նոցա աճապարեալ քան զնա ընդ փոյթ
 կենադրաւեն՝ որպէս ասի հնարիւք իմն մա-
 հացուցեալ. և զինի սորին բերեն զեղբայր
 իւր Խոտապանտոյ կոչեցեալ ի Խորասանոց,
 այր անարի, սակասեալ եւս ի լուսոյ. և սա
 եւս զամս սակաւս դաժանութեամբ և
 դառնութեամբ վարեալ զիշխանութիւնն՝
 մեռանի. և ասլա ի ռիթ թուին որդի սորին
 Ապա՝ կոչեցեալն Սեծ, շահ նստուցանեն
 ի Սաշատ. որ և ընդ սակաւ ժամանակս
 հնազանդեցոյց զչրջագայ թշնամիսն իւր, և
 ի բուռն էառ զբոլոր երկիր հայրենի իշխա-
 նութեան իւրոյ. և ի Խորասանոց մինչև

տեսեալ հանդերձ այլ ընկերովք քովք : ”
 Ասէ ցնա Ագգէ առաքեալ . “ Այս ոչ դագա-
 րեմ ի քարոզելոյ , զի վասն այնորիկ առաքե-
 ցայ այսր ասել և ուսուցանել ամենեցուն
 որ միանգամ կամին հաւատալ իբրեւ ըզ-
 քեզ : Արդ՝ հրաման տուր առ վաղիւ և
 ժողովեա առ իս զամենայն քաղաքս , և սեր-
 մանեցից ի սմա զբանն կենաց զոր քարո-
 ղեմ առաջի ձեր վասն գալստեանն Քրիստո-
 սի . թէ զիարդ եղեւ . և յաղագս Հօր ա-
 ռաքչի նորա՝ թէ վասն էր , և կամ որպէս
 առաքեաց զնա . և յաղագս զօրութեան նո-
 րա և զարմանալի գործոց իւրոց , և վասն
 փառաւորեալ խորհրդոց նորա զոր խօ-
 սեցաւ յաշխարհի . և վասն ճշմարիտ քա-
 րոզութեան նորա՝ թէ որպէս և վասն էր
 փոքրկացոյց զանձն իւր և խոնարհեցոյց ըզ-
 բարձրութիւն աստուածութեան իւրոյ ի
 մարդկութիւնս մեր զոր առ . և խաչեցաւ
 կամօք իւրովք և էջ ի մեռեալս . և խրամա-
 տեաց զցանկն զոր երբէք ոչ ոք էր խրամա-
 տեալ . և կեցոյց զմեռեալս մահուամբ իւ-
 րով . և իջեալ ինքն միայն և ելեալ հան-
 դերձ բազմօք առ Հայր իւր փառաւորեալ ,
 այն որ ընդ նմա էր ի սկզբանէ միով աս-
 տուածութեամբն բարձրելոյ : ”

Եւ հրամայեալ Աբգարու թագաւորի տալ Աքդէի առաքելոյ արծաթ և ոսկի և պարգեւս բազումս : Ասէ ցնա Աքդէ . «Օ ի անրդ կարասցուք առնուլ զոր ինչ ոչ է մեր . զի ահա որ ինչ մերն էր՝ թողաք ըստ պատուիրանին Տեառն . զի առանց քսակի և առանց մախաղի բարձեալ զխաչ ի վերայ ուսոց մերոց հրամայեաց մեզ քարոզել զաւետարանն իւր ընդ ամենայն տիեզերս , այն որ ամենայն արարածք իմացան և չարչարեցան ի խաչելու թեան նորա , որ եղև փոխանակ մեր ի փրկու թիւն ամենայն մարդկան » : Եւ սրտմեաց նա զամենայն ինչ առաջի Աբգարու թագաւորի և առաջի ամենայն իշխանաց և նախարարաց նորա , և առաջի Աւգոստինեայ մօր Աբգարու և Շղամաթեայ դստեր Սիհրդաթայ կնոջ Աբգարու՝ զամենայն նշանսն և զսքանչելիսն Տեառն , և զփառաւորեալ զօրութիւն նորա զոր առնէր նա , և զաստուածեղէն զօրութիւնս նորա , և զվերանալ նորա յերկինս առ Հայր իւր . և թէ որպէս առնէր զօրութիւնս մեծամեծս իշխանութեամբ բազմաւ ի ժամ վերանալոյն իւրոյ . և զի նովին զօրութեամբ բժշկեաց նա զԱբգար և զԱբդիու զորդի Աքդէի զերկրորդ թագաւորու :

լիպպոսիւ և Պետրոս կաթողիկոսիւնն Ալ-
 ուանից : Եւ սա եւս այսպէս բարեբախ-
 տիկ լեալ յաշխարհի , վճարի ի նճ թը-
 շին . և էառ գիշխանութիւն թագաւո-
 թեանն որդի նորին Շահ Սուլէյմանն ի նոյն
 ամին . որ և յաւուրս սորա առաւել խաղա-
 զութիւն եղեւ աշխարհի և շինութիւն ա-
 լերակաց , և բազմամարդութիւն երկրի ,
 ուղղութիւն և իրաւունք դատաւորաց ,
 չափաւորութիւն հարկասպահանջութեանց ,
 և բարեկարգութիւն ամենայն գործոց և
 արարողութեանց : Սա եւս այսպէս կառա-
 վարեալ զերկիր և զհնազանդեալս իւր՝ վախ-
 ճանի ի նճ թ թուին : Օ կնի սրոյ թագա-
 ւորէ որդի սորին Շահ սուլդան Հիւսէինն
 կոչեցեալ ի ժամանակի մերում , ի տիտ տը-
 զայսութեան գողով ի նճիս թուին :

Արդ՝ զոր ինչ մինչեւ ցայս վայր եղեալ
 էր՝ ի նախկին գրոց պատմութեան , մանա-
 ւանդ ի գրոցն Առաքել վարդապետի ծաղ-
 կաքաղ արարեալ հաւաքեցաք , որում Տէր
 ողորմեսցի . յետ այսորիկ պարտիմք ի ներկայ
 ժամանակս այս՝ յորում կամք , գծագրել
 աստ . և Քրիստոսի փառք յաւիտեանս .
 ամէն :



Գ ԼՈՒԽ Գ .

Յաղագս Ս ըրողման և խանգարման խաղաղորու
 Քեանն Պարսից :

Ի տասներորդ ամի թագաւորութեան
 իւրում Հիւսէին կոչեցեալ Շահ սուլթա
 նին արար հրաման մարդաթիւ և աշխար
 հագիր առնել ազգիս Հայոց , և ամենայն
 ազգաց ընդ իշխանութեամբ իւրով եղե
 լոց . և ելեալ հրամանատարք նորին արք իբ
 րու հաւատարիմք տան նորա՝ գրիչք և քար
 տուղարք , զի անսխալ և առանց թագուցա
 նելոյ գրեցցեն զամենայն հատակ ի հնգե
 տասանամենից և ի վեր , սպառնացեալ ի
 հրովարտակին՝ այսպէս . « Եթէ ոք գտցէ
 զթագուցեալ և զղօղեալ ոք , և յայտնեցէ
 զայն արքայի , գլուխ զօղելոյն՝ արքայի , և
 ինչք նորա աւար այնմ լիցի՝ որ գուշակեա
 ցին » : Օր և արարին խկ . զի յոյժ յուզ
 մամբ և սրոնմամբ զննեալ տեղեկանային
 պէսպէս հնարիւք և սպառնալեօք : Ի գիւ
 զի ուրումն զտանուաէր գիւղին և զքա
 հանայան և զհիւրընկալն՝ զոր գղէր ասեն , ար
 գելուին ի տունս ուրոյն և զատ ի միմեանց ,
 և սպա ասել տային զանուանս արանց եղե

րոց ի գիւղին և գրէին , և բերեալ ի մի վայր՝
 հաւասար տեսանէին . և թէ աւելի կամ
 պակաս գտանէին ասացեալքն ի միմեանց ,
 (և զի թուղթ եւս առնուին ի բերանոյ նո-
 ցա , այսինքն ճուղիս , զի թէ սուտք գրու-
 ցեն , այնքան տուգանս վճարեսցեն ,) կա-
 խելով ի փայտէ բրածեծ առնէին զարսն ա-
 սացեալ ի սակս տուգանին . ընդ նմին կա-
 շառս յոլովս և տատանորդս , և զկարգեալ
 վարձս զինուորացի սուսուել քան զչափն
 առնուին , և սպա զգրեալն կրկնէին : Ապա
 յետ այսորիկ գրեցին և զվանորայս զանա-
 պատս և զգիւղորէից եկեղեցիսն , ընդ նը-
 մին և զեպիսկոպոսունս և զաբեղայս , և զե-
 ռիցունս առհասարակ ի թիւ արկին . և ա-
 ւարտելով զնոսս սկսանք գրել և զվաճառա-
 կանսն , զճանապարհորդսն , և զորս սուղ-
 ինչ առեւտրոյ տեարքն էին . և զամենեւեան
 ի համարաթիւն գրելով տարեալ ցուցին
 ատենի արքային : Իսկ անդ եղին հարկս ի
 վերայ գրելոց գլխոյն՝ երեքսպատիկ յաւել-
 մամբ ի վերայ առաջնոյ սահմանին . և ի վե-
 րայ եկեղեցական սրաշտօնէից որ յառաջ-
 նումն ոչ երեւէր բնաւ , տասնապատիկ ա-
 ռաւել քան աշխարհականաց ծանր բեռինս
 եղին . և զսոյն աշխարհագրուլթիւնս հաղիւ

մինչեւ յերիս ամս աւարտեցին . զի ի ոճիւր
 թուին սկսան և ի ոճձա թուին հրաման
 արարին զերեք տարւոյ զգլխահարկ ժողովը
 դեանն՝ զոր նոր եդին (հաւաքել) . նաեւ վա
 սին եկեղեցականաց և կրօնաւորաց կարգեա
 լն ընդ նմին միահաղոյն առնուը Ապա ել մեծ
 վէզիրն Ատրպատականի որ նստէր ի Վաւ
 ըէժ քաղաքի , որոյ անունն էր Ալրզաթա
 հիր , հաղար հարիւր արամբք , և եկն յերկիրս
 Վարաբաղու և ի Վանջայ քաղաք . և ըս
 կսաւ առնուը յոյժ աւելորդօք քան զգրեալն :

Եւ ցրուեցան զօրքն ընդ երկիրս և ընդ
 գիւղորայս ի թիւ արկեալ գրովն . և քանզի
 յոյժ ծանր էր լուծն և ոչ կարէին տանել ,
 վասն որոյ չարչարէին և կեղեքէին , և ջար
 դելով առնուին ըստ չափու իւրեանց ի յու
 լովիցն՝ յոլով , և ի փոքունցն՝ փոքր . զի (մեծ)
 գեղն հարիւր յիսուն , հարիւր , կամ յի
 սուն թուման . և յոյժ փոքրն յերեսուն
 և կամ ի քսան թումանէ չէր սլակաս : Այն
 պէս ի վաճառականաց , և յամենայն ար
 ուեստաւորացն առին : Եւ այսպէս ամի ամի
 զգլուխան համարէին , և հարկահանքն ե
 կեալ ճշգիւ առնուին : Յետ այսորիկ միւս
 եւս կերպիւ հարկս եդին , և անուանեցին
 զայն Աղիտարան . դարձեալ միւս եւս ե

գին , և զայն ասացին Շահապի տիրաջախ .
 միւս եւս յաւելին , և անուանեցին Շէշ
 փնար , և զայս երեքսրատկեցին : Աւ դարձեալ
 հրկին եւս եղև հրաման ելանել
 և գրել զամենայն սահմանս երկրի , գիւղօ-
 բէից և ագարակաց , զհող , զջուր , զայ-
 գի , զանդաստան , զծառ , զտունկ , և զա-
 մենայն ինչ որ պիտոյ է մարդկան՝ առ
 հասարակ զամենայն գրեցին , թէ Հայոց ,
 և թէ այլազգեաց , այլ և վրանաբնակաց ,
 և խաշնարածաց . ազգ մի որ Թարագամաց
 ասեն , զնոցին եւս զանդեացս և զհօտս ,
 և զջուկս , և զջուլիրս , և զերամս ամենայն
 անասնոց չորքստանեսաց ի թիւ արկին , և
 յառաջնոցն վերայ կրկին յաւելին զհարկս :

Սայս ամենայն զոր գրեցաք՝ նորահնար
 չարիք էր , զոր եղին ի վերայ առաջնոց սահ-
 մանեալ հարկացն , որ և առաջինն եւս
 ծանրագոյն էր բեռն ի վերայ ժողովրդեան .
 այժմս փոխանակ թեթեացուցանելոյ , զայս-
 քան ևս յաւելին ի վերայ : Աւ դարձեալ որ
 պէս սովորութիւն է Պարսից իշխանու-
 թեան՝ յամենայն քաղաքս տէրութեան իւ-
 րեանց , և ի վերայ ամենայն երկրի , պետս
 և գլխաւօրս զօրաց կացուցանել , որպէս
 Խան , Սուլթան , Ղուլբեկի , Վէզիր , Դաւ

բուղայ, և թուխլոտար: Յառաջնումն որոց
միանգամ այսպիսեացս իշխանութիւնն ինչ
տային, ոչ դիւրեաւ փոփոխէին և առնուին ի
նմանէ. բայց թէ մեծ յանցանք ինչ և կամ
իլսաս առնն յայտնիւր, և կամ վասն զրկո
ղութեան և ազահութեան գանգատողք
և դատախազք երթային ի դուռն արքայի,
և զյանցանս առնն յայտնի կացուցանէին,
և ասլա հաղիւ ուրեմն առնուին յառնէն
յայնմանէ զիշխանութիւնն զայն: Իսկ այժ
միս և այսու թագաւորաւս ոչ այսպէս, այլ
թագաւորն և նախարարք իւր կաշառա,
կուր լեալ՝ փոյթ ընդ փոյթ փոփոխեալ հա
նէին, և ի միում ամի երկուս և երիս
տեարս և իշխանս՝ ի միում քաղաքի և
գաւառի զկնի միմեանց առաքէին: Աւնո
քա եկեալ՝ որպէս և ինքեանք կաշառօք ըս
տացեալ էին զիշխանութիւնս իւրեանց,
նոյնպէս և նոքա այնպէս ամենայն զգատ և
զիրաւունս ժողովրդեան ի բաց եդեալ՝ կե
ղեքէին, կողոպտէին զհնազանդեալս իւ
րեանց, սոյնպէս առնէին և օրինապահք
դպիրք նոցա, այսինքն դատաւորք Շխալըս
լամք, շէխք, և որոց Վաղիս ասեն:

Դտրձեալ յաւելին միւս ևս չարիս, զի որ
միանգամ տեարք էին գիւղից և ագառակաց.

նաեւ վարձաւորք՝ այսինքն Դօնլուհ հատեալ,
 զօրապետք և զօրք ուրբան դրամոյ չափ որ
 որք և ունէր, զնորին տասանորդն եւս հա-
 տին, և թագաւորական արարին. իսկ նու-
 քա ոչ յիւրեանց դրամոցն տային, այլ զայն
 եւս յաւելին և եդին ի վերայ իւրաքանչիւր
 հնազանդելոցն, և այնպէս առնէին: Ամանա-
 պէս և այլ բազմահոյլ չարիս յորդեցին,
 ուստերս և դստերս ուժգին քարշելով, զա-
 ըրս և զկանայս բռնի ուրացուցանելով, և
 զյետամնացելոց զինչսն և զստացուածսն և
 զգանձս յափշտակելով՝ և ուրացողացն տա-
 լով, որպէս և որքան տօվլաթաւորս և մե-
 ծատուես աչօք մերովք տեսաք ի Ծ ուղայ
 և Աշրեւան՝ որ ի վերջին աղքատութիւնն
 և ի թշուառութիւնն հասեալ էին. և հար-
 ցեալ զպատճառն տեղեկացաք, որ վասն
 ուրացողացն և յափշտակութեան ընչից իւ-
 ըրեանց էին եղեալք այնպէս: Այնպէս զա-
 մենայն բարեկարգութիւնս բարձին յերկրէ,
 զորս մանրամասնաբար ոչ գրեցաք. միան-
 գամայն և օրէնս եդին իւրեանց. իսկ գտան
 հակառակ՝ փոփոխելով զեդեալ սահմանս
 նորա, զոր վասն գլխահարկաց և դատաս-
 տանաց եդեալ էր ի վերայ նոցա: Ասան
 այնորիկ եհաս և ի վերայ նոցա իրաւունք

արդարադատին Աստուծոյ, այլ և ի վերաց
 ազգիս Հայոց. եւս զոր յապագայն գծա-
 գրելոց եմ, սակաւ նոցին անողորմ և անաս-
 տուած գոլոյն կեղեքելոյն և կողոպտելոյն
 զկեանս տառապելոցն, զորս փոքր ի շատէ-
 ծանուցար: Իսկ յաղագս անօրէնութեան
 օրինազանցութեան, սուպրութեան և ան-
 մտութեան և անմիտքանութեան սոցա,
 ճիանգամայն և ընդդէմ դառնալոյ Աստու-
 ծոյ և աստուածային գրոց և պատուիրա-
 իացն՝ զոր և ծանուցի ձեզ Աստուծով, որ
 եղև պատճառ հորձանման փնքեանց, յոր-
 մէ Տէր Աստուած ազատեսցէ. և նմա փառք
 յաւիտեանս. ամէն:



Գ Լ Ո Ւ Խ Դ .

Վասն հախառակաց և ընդդէմակայից՝ որք ի գեղև
 գեղև յարեան ընդդէմ Բագաորութեանն Պարսից:

Քանզի ըստ նախագուշակութեան սրբ-
 քոյ մարգարէին Ղանիէլի և ըստ լրման ժա-
 մանակի տեսլեան նորին, որպէս և կարծի ի
 բազմաց իմաստնադուներից վասն տասն եղջե-
 րաց խոյին նշանակ յառնելոյ տասն թագա-

ւորաց յազգէն Պարսից, որպէս թիւ համարոց
 սոցին է . և կամ թէ ըստ կամաց նախախնա,
 մոյլին Նստուծոյ, որ զիրաւունս հատուցման
 իւրոց, իբրեւ զքաժակն ի ձեռին ունի՝ և
 ում կամի արբուցանէ զնա . և տէր է թա-
 գաւորութեան մարդկան և երկրի, որում
 և կամի նմա շնորհէ : Նստ որում և սոյժմս է
 տեսանել . և զի եղեւ ի ժամանակս սոյն
 սաւղան Հիւսէին թագաւորիս, ազգ մի ի
 կողմանս Խորասանայ և Վանտահարու, զս-
 րբս Մշուանք անուանեն . և ասեն փասն
 ազգիս սոյսորիկ՝ եթէ են բնիկ ի լեռնաբը-
 նակացն Վաւկասու և յերկրէն Մլանաց, որ
 են ազգաւ Մշուանք, որ սոյժմ եւս նախկին
 անուամբն վերակոչին . և լեալ են հաւատով
 քրիստոնեայք, և ասրա զկնի ժամանակաց
 Վանկթամուրն կոչեցեալ բռնակալ, որ
 տիրեաց յոլով մասին աշխարհիս յաղթու-
 թեամբն իւրով, զոր սրատմութիւնքն վկա-
 յեն զամանէ, և ասեն փոտարանդեալ զազգս
 զայս ի տեղւոջ իւրեանց, և տարեալ զբը-
 սան և հինգ տունն բնակեցոյց յերկրին
 յայնմիկ : Աւ զկնի ժամանակաց դարձաւ,
 ձեալ են ի կրօնս Վահմէտի . և ասրա ուռ-
 ճացեալ և բազմացեալ են, և լեալ իշխանք
 և սկսեց յիւրաքանչիւր մասին, և տիրացը-

լուսիք մինչեւ ի ժամանակս Շահաբաս կոչեցեալ արքային, որոյ յառնուին զՎանտահար և տիրելն կողմանցն այնոցիկ՝ նուաճին և սոքա ընդ իշխանութեամբ նորին, և զկնի որդւոց և թուանց նոցին մինչեւ ի ժամանակս այս ի ուճճ թիւս մեր, և ապա սկըսան աղմկել և վրդովել կողմանքն այնոցիկ:

Եւ և միւս և ս ազգ որ Պրուճ անուանին, այլ և երկիրն Սովուխ-Պուրաղու զոր թուրքմանն կոչեն, և գլխաւոր մի սոցա որ Սուլէյման պատա ասէին, որ ասէր զանձնէ գոլ յազգէ առաջնոց թագաւորայն որք նստէին ի Վաւրէժ շահատանի. Չահանշահ և Եաղուպ անուանեալք, նա և յերկիրն Եւտարապատու շրջեցաւ: Եւ զգլխաւոր նոցին Եոննաղուրտ կոչէին, այլ և լեռնականքն կաւկասու, ձիւնաբնակ ազգքն Վեկաց, որ և Վաղկիք՝ և ըստ գրոց Հանք կոչեցեալք, և բնական թշնամիք ի սկզբանէ երկրիս Ետրապատականի, ազգիս Հայոց և օրինաց մերոց: Սոքա միահաղայն և զվերոյ գրեալն ամենեքեան հետեալք թիկունս դարձուցին, և ընդդէմ դարձան հրամանաց թագաւորին Պարսից: Եւ սկսան յիւրաքան շիւր երկրէ զշրջակայս և զմերձակայս իւրեանց կողոպտեալ, գերի առնել, և սոց:

Ճարակ տալ . և այս ոչ թէ ի միում ամի ,
 այլ յերկար ժամանակս : Եւ ապա տամբիլ
 սոցա սակաւ ամօք , զկնի և կից միմեանց
 եղեն . և թէպէտ թագաւորն զօրս քու մա-
 րեալ ի ձեռն զօրագլխաց և սարսապետաց
 տուաքէր ի վերայ նոցա՝ բաշխելով և յորով
 գանձս , սակայն ոչ ինչ օգտիւր , այլ յաղ-
 թահարեալ լինէին . թէպէտ ունաց բազ-
 մաւ ջանիւ և հազիւ ուրեմն դադարեցու-
 ցին զխռովութիւնն ոչ այնքան յաղթու-
 թեամբ՝ քան թէ հաճելով զմիտս նոցա ըստ
 կամաց իւրեանց : Բայց կագ կողմանցն
 Վանտահարու և Կովկասայնոց յերկարեաց
 բազում ժամանակս , զոր յիւրում տեղ-
 առն ասացուք՝ եթէ Տէր կամեսցի : Եւ
 նմա փառք յաւիտեանս . ամէն :

Գ Լ Ո Ւ Խ Ե .

Որ ինչ գործեցին ազնւոց շնոց ընդ ամենայն երկրս
 Աշուանից :

Օ ի յայտնի իսկ է ամենեցուն այս ,
 թէ տուն և կամ այլ ինչ շինուած թէ մեծ
 թէ փոքր՝ յորժամ հնացեալ վրանելոց իցէ ,

ճախ որմուկնք և հիմուկնք խախտուեալ բաժա-
 նին, և ապա ձեզուն տանեացն իջանէ. և
 զկնի այնորիկ ամենայն տանիքն ի վայր ի
 ջեալ կործանի: Այսպէս եղև և թագա-
 ւորութեան Պարսից. քանզի բնակիչք լե-
 բինն կովկասու, որք Վազկիք կոչին, յայսմ
 կողմանէ լեբինն՝ ի տեղի որ Վախ, Ղար, և
 Թալա, և այլ գիւղորայից անուանք յոր-
 ջորջին, որոց գլխաւոր էր Ալի սուլդան ան-
 սուամբ, որ նախ հրամանաւ Շահին նստէր:
 Սա և այլ յորովք ինքնագլուխք միաբա-
 ճեալք ընդ նմա՝ դարձան և ապստամբեցին
 ի թագաւորէն ի աճիա թուին, որ և յա-
 սաջ քան զայս ինխտելու երկիրն, այլ և
 Շաքուա, Պանջաղ, Կոււմպարաք, Չար-
 զաթալու, և այլ յորով գիւղորայք ասպա-
 տակեալ և գերեվարեալ էին և աւարի ա-
 ուեալ: Այժմս եկեալ ի Քանուաք անուն
 գիւղորայս՝ խալառ տարան: Այլ սյսպէս
 գրգռեալ ամ յամէ ասպատակ անուեալ
 յայս կողմ և յայն կողմ կուր գետոյն յեր-
 կրին Շաքուայ և Վասպալու և Վասանու
 նահանգին մինչեւ մերձ ի Շամախի քաղաք:
 Իսկ յայսմ կողմանէ յորովք ի նահանգէն
 Վազախու, որ է Ախստեւու՝ և ի յերկրէն
 Ամիրչամ Շատիլուէն որ են Օսկամներն:

Նա և չորս գետն Վանջապասանու՝ այսինքն
 Շաւքոռ, Վանջապասան, Սսկանապասաու
 ձորն, և Վուրաքապասան, այլ և յոլովք
 ի գիւղորէիցն Պարտայու, և զգաշտափայր
 գիւղորայսն միահաղոյն կոտորեալ, գերի
 և աւարի առեալ ամոյի արարին, և զմնացեալսն
 փախստեաց ի լերինս և ի գաւրանձաւս
 Արցախու, և իւրաքանչիւր հանդէպ
 ամուր տեղիսն զերծեալք զապրուսա իւրեանց
 հոգային: Այլ և ի ռճհ թուին նոյն
 ինքն Ալի սուլդանն գումարեալ ի վերայ
 ինքեան զորս ի նոյն ազգէն Ազղկացն
 թուով ոչ սակաւ քան զութ հազար, եկն
 ի վերայ քաղաքին Վանջայու մինչեւ եմուտ
 ի պողոտայն (այսինքն Վուջան,) որ ի կողմն
 Սութօքուլան անուն գեղն, թոյլ տալով
 քաղաքացւոցն: Այլ յորժամ մտին ի ներսն,
 ասրս յարեան քաղաքացիքն և կարան աստի
 և անտի զանցս գնացից նոցա, և կոտորեցին
 ի նոցանէ մինչեւ ի հազար քսան և մի
 ոգիս աւելի կամ սրակաս, և ոչ ինչ կարացին
 առնել, այլ յետս զարձեալ ամօթով գնացին
 ի տեղիս իւրեանց:

Այլ այսքան իրս զոր աստ գրեցաք ի մէնջ,
 յութ և յինն տարի գործեցաւ, ըսկսեալ
 ի ռճի թուէն: Այլ որքան հրամանս

Եզեւ ի Թագաւորէն գնալ զօրացն Պար-
 սից ի վերայ նոցա, այսինքն բնակելոցն
 ի քաղաքն Շամախու և Վանջայու և ի շք-
 քաղաքս նոցա, և իրանքն որք նստէին անդ,
 որքան ջանացին՝ բնաւ ոչինչ կարացին դի-
 մակայիլ, մանաւանդ թէ յաղթահարեալ կո-
 րացան առաջի նոցա, որպէս և Հասան ալի
 խանն Շամախու հնգետասան հազար զօրօք
 գնաց մինչեւ ի սահմանս նոցա, և նորա յա-
 ռաւօտու պահուն յանկարծօրէն հասին ի վե-
 րայ նոցա և զյոյով մասն զօրացն կոտորեալ՝
 զխանն եւս սպանին, և մնացեալքն փախըս-
 տեայ դարձան: Այլ և ասորատակեալն
 Շամքօու, Օղուրլու խանն Վանջայու
 իւր ընդ առաջ նոցա և ընդ կրունին փախս-
 տեայ դարձաւ, և եմուտ ի Վանջայ: Այլ
 և Քիչի խան անուն ոմն իշխող Շաքուայ՝
 սուղ ինչ ժամանակ ընդդիմացաւ նոցա,
 զնա եւս սպանին: Իսկ ի վերայ այսր ամենայ-
 նի ազգս այս ժպիրհ առաւել ևս համարձա-
 կեցան, և ապա ձեռն ամբարձին ի վերայ
 երկրին Ախսեթու և ազգին Վրաց, որ և
 նախ քան զայս քանիցս անգամ ուժգնու-
 թեամք բախեալ էին ընդ միմեանս, և հե-
 ղումն արեան ոչ սակաւք արարեալ երկու-
 ցունց կողմանց, որպէս և Վամդուլի խանն

Կասեթու մի անգամ և երիցս փոխառցին
 ի պատերազմէ, և աւարի առին զամենայն
 կահ և կարասի նորա: Եւ այսպէս յառաջ
 խաղալով ամ յամէ աւերեցին զամենայն
 երկիրս նորա, մինչեւ ի հայրենի թագաւո-
 րանխառ տեղիսն իւրեանց, և զեպիսկոպոսա-
 րանն ի քսոց թողեալ ի յամբարս Թուշաք
 վերանցն ելին: Եւ սոցին այսպէս և այսքան
 ժայրհեղցն միւս եւս գոյ պատճառ, զոր
 այժմ գրեցից:

Քանզի յերկրին Շիրուանու ի նահանգ
 գին Վապարու գոյ իշխանու թիւն ազգի մի-
 ոյ Վահմեասկանի զոր Մէլիք անուանեն, ի
 դիւղն Վուրթղաշին կոչեցեալ Վարասու
 անուանեալ տեղին: Եւ ելելի թէ սոցին
 եղեւ ոմն Մէլիք՝ զոր Մէլիք Մհամմուտ ա-
 սէին, այք հանձարեղ և բախտիւն յաջու-
 զակ, և յոյժ ազահ քան զՅուդա, և ան-
 յազ քան զողբուկ. սա զբոլոր երկիրն Վա-
 պարայու ի բուռն էառ Սախթայիւ ի խա-
 նէն Շամսառ: Եւ երկիրն էր բարելի և
 լին և մարդաշատ, թէ Հայ ազգօք, որ ի
 Վարաբազու երկրէն ժողովուրդք յորովք
 անցեալ էին յերկիրն այն աւելի քան զուե-
 դականսն. և եթէ այլ ազգօք՝ որ բնիկ յեր-
 կրէն են, յորոց պէսպէս հնարիւք Մէլիքօք

այս ժողովեալ մթերեաց գանձս յորովս և
 սաստիկս ոսկւոյ և արծաթոյ, և բռնացաւ ի
 վերայ ամենեցուն. յորմէ վշտացեալ ամե-
 նայն որ տրտունջ եղեն զնմանէ, որպէս և
 Հայ ազգն Պողերուն ժողովեալ ի դուռն
 իրանին, և ազդ եւս արարին արքային: Աւ-
 ամն Նարսեղ անուն քահանայ, որ էր բնիկ
 Վարապաղու՝ յերկրէն խաչենաւ, և ի յազ-
 գէ Մելիքաց, էր անդ, որ ընդ գնալոյ ժողո-
 վորեանն սորա եւս ազգաւ գնացեալ էին՝ և
 զՍոկու թլու գեղն նորոգ շինեալ և բնակեալ-
 սր և քան զայն՝ այլ առաւել ոչ գոյր ի մէջ
 գիւղորէիցն: Օրս առեալ յղեցին Ասպա-
 հան ի դուռն արքայի, զի ի վերայ ինքեանց
 արասցէ զիշխանութիւն Մելիքութեան ազ-
 գին Հայոց՝ որ անդ, իբր գոլով յազգէ
 Մելիքաց: Ար և գնացեալ ըստ կամաց իւ-
 ըոց առեալ հրաման յարքայէն՝ եին, բայց ստ-
 խըն իւր բուռն էր, ոչ կարաց ընդ գիմագրաւ
 շերայլ կաշառօք կուբացոյց զաչս բռնաւորին
 Շամախու, և ոչինչ արարին զբանն երիցուն: Ն-
 Վագ ոխս կարան ընդ նմա մեծամեծքն Շա-
 մախու. այլ և ի իրանէն աղստամբեցան,
 և գնացին առ թագաւորն զխանն ձգեցին
 յիշխանութենէ, և զՄելիքէն տրտնջեցին
 առ թագաւորն, եթէ յորով գանձս ժողո-

վեալ է, և կամի ապստամբիլ ի քէն: Աւ
 արար հրաման զամենայն ինչսն զգայուն
 և շարժուն՝ որ ինչ և իցէ՝ ի գիր ձգել,
 և առնուլ (ի գանձն) թագաւորական. և
 զինքն իւրայնովք ի բանտ արկանել, որ և
 արարին իսկ: Այլ եկեալ դահիճք արքայա
 կան ի գիր և ի զաւր ձգեցին զոուն և զինչո
 Սեփեին, և զինքն ընդ եղբօրն, որոց անունն
 Միսաո կոչիւր, կապանօք տարան ի քաղաքն
 Շամախի, և արկին ի բանտ ամիսս ինչ. և
 դարձեալ արձակեալք անտի՝ կրկին կարգե
 ցան յիշխանութեան իւրեանց: Վայց ինչք
 օոցին զոր առին յարքունիս, ասէին զթիւ
 սակոցն և արձաթոցն լինիլ իրբու եօթա
 նասուն հազար թուման, զաս ի յայլ կա
 հից և կարասեաց, և չորքուսնեաց և մլքե
 րաց, որոց ոչ գոյր թիւ: Վանդի ասէին լինիլ
 սմա ջրաղաց հինգ հարիւր, քինի որով զբը
 րինձն զոտն՝ հինգ հարիւր, քոճ և ճաջինսն որ
 զապիրշումն քարչեն՝ հինգ հարիւր, գետք
 և առուք զոր արև ասեն՝ ի վերայ արարից
 և արմտեաց երկրագործութեանց՝ յովովք,
 և զայն մտօք նկատեսցեսս փարթամութեան
 առնս:

Վարձեալ զինի սակաւ ամաց անցերոց
 ի վերայ այսր ամենայնի, Հիւսէին անուն ո

մին խան Շամախու՝ կրկին ըմբռնեաց զառ
 սա երկուսին եղբարսն հրամանաւ Շահին, և
 գլխատեաց. և ապա ի ձեռն առեալ զերե-
 սին որդիս նորա զոր Փէյքար, Իսքրահիմ, և
 Ղասոււմ ասէին, յոյժ չարչարանօք և խոչ-
 տանդանօք ետ հանել և զմնացորդս ընչիցն,
 զոր ասէին քսան և հինգ հազար թուման,
 այսքան եւս այժմս տաին և թողին զնոսա:
 Ապա Փէյքար անուանեալն գնաց առ Շա-
 հրն, և առեալ զՍէլիբու թիւն՝ եկն ի տեղի
 իւր, և վարէր ըստ հայրենի սովորութեան:
 Ար և զկնի չորից ամաց միւս եւս Հիւսէինն
 անուէն խան Շամախու, ետ գլխատել զՓէյ-
 քարն ի տան իւրում, և ապա զտունն, ըզ-
 կանայս և զորդիս և զամենայն ինչսն իբրեւ
 ի գերութիւն վարեալ ամին ի Շամախի.
 զկնի որոյ զննեալ և որոնեալ զամենայն զոր
 ինչ և ունէր, զայն եւս տաին և արարին ար-
 քունիս, որ և զհամար ընչից սորին եւս ասա-
 ցին գող աւելի քան զքսան հազար թուման:
 Իայց եղբարք սորին Իսքրահիմն և Ղասոււմն
 փախատեաց գնացին առ Ալի սուլդանն վերոյ
 յիշեալ. և անտի անցին յայն կողմն լերինն
 առ մեծամեծս ազգացն այնոցիկ Վազկեաց:
 Օ ի որպէս ասեն՝ երկուս կրօնս ունիլ Վահ-
 մետականայ, ոմանք Շիայք կոչին՝ որ են

Պարսիկք և Ղրղզպաշք, և ոմանք Սուենիք՝ որ
ենն Օսմանցիք, և այս լեռնոսկանք և Ղղուան
ազգն Ղանտահարու, և Օղուէկք, և Պու-
խարացիք, և Սրաբացիք, և այլ յօլովք որ
ընդ տիեզերս կան կրօնիւքս այս. և վասն
այն գնացին սորա առ Ղազէիսն, վասն զի
ընդ նոսա միակրօնք էին, և ասենն թէ բու-
կոսն և բացագլուխ շրջեցան ի դրուեսս նո-
ցա վասն նախատանաց իւրեանց՝ զոր կրե-
ցին ի ձեռաց Շիայիցն. քանզի այսպէս է
սովորութիւն տեղւոյն: Այլ այսպէս շրջին
նոցա ի նախանձ գրդեաց զնոսա, և չարա-
ցանք քան զգազան կատաղի. և յոյժ ամօթ
համարեցան ինքեանց այնպէս լինիլն նոցա,
և ձայն տուեալ միմեանց՝ միաբանեցան և
խրախուսեալ ժողովեցան ի մի վայր բիւրք
բիւրուց և հազարք հազարաց. քանզի միշտ
ըէին ասորատակ յայտմ կողման եղելոց
Ղազէեացն՝ զոր նախ յիշեցաք, և նորա եւս
խորհեալ էին գալ և խառնիլ ի սոսա: Ար-
պէս և յանցեալ ամին Սուրխայ անուն գըլ-
խաւոր նոցա եկն մինչեւ ի Վրաց սաւն.
անցեալ ի ներքոյ Ասխետիու և Տիփսիսու սա-
պատակեաց զգաւառան զոր Սովխէթ և
Ղումնախ ասեն: Իսկ այժմ սակս վերոյ ա-
սացեալ պատճառին ի քճհա թուին օգուռ

առաքի տասն , գրոհ տուեալ առ հասարակ
 միահաղոյն ազգս այս Վաղկիք , ամենայն գըլ-
 խաւորօք իւրեանց որք էին այսօքիկ , նոյն
 վերոյ ասացեալ Սուրխայն , Համխաշն , Իամին ,
 հաճի Իովութն և Նլի սաւլդանն , ամե-
 նայն զօրութեամբ իւրեանց եկին ի վերայ
 քաղաքին Համախու , և յաւուրս ութ սաս-
 տիկ կռուեցան , և ոչ կարացին առնուլ :
 Նյլ և համբաւ եւս եհաս առ նոսա ի հե-
 տուստ , իբր թէ յոմանց յետագայից իւ-
 թեանց աղմկեալ իցէ զերկիր նոցա . վասն
 որոյ յանկարծակի ի գիշերի միում դարձեալ
 դարձան ի տեղիս իւրեանց : Նլ ապա քա-
 ղաքացիքն Համախու սկսան ամրացուցա-
 նել զկողմանս քաղաքին ցանկովք խորա-
 գունիւք , և շրջապատ որմովք : Նյլ և
 զօրք եւս հասին աստի և անտի , (այսինքն
 Գանջայու և Վարաբաղու և Վղանու .) այլ
 հրամանաւ Հահին եկն նոր խան քաղաքին ,
 որոյ անունն էր Հիւսէին խան Վգուլեցի :
 Նլ զայն ամն սլահեցին զքաղաքն մինչեւ ի
 գալ միւս ամին ի նոյն ժամանակն և ի նոյն
 ամիսն :

Գարձեալ եկին վերոյ յիշեալ լեռնա-
 կանքն քան զառաջինն յոյժ ամբոխիւք , և
 սրատերազմեցան ուժգնութեամբ զաւուրս

աւուրց ընկալեալ զբանս նորա, և հաւա-
 տացեալ յաւետիս քարոզութեանն Քրիս-
 տոսի: Եւ իբրեւ ասաց զայս ամենայն Աշ-
 դէ առաքեալ առաջի ամենայն քաղաքին
 Առհայի, և ետես Աբգար թագաւոր թէ
 ամենայն քաղաքն ուրախ եղեւ ընդ վար-
 դապետութիւն նորա, արք և կանայք ի մի-
 ասին, և ասենցնա. «Ղշմարիտ և հաւա-
 տարիմ է Քրիստոս, որ առաքեաց զքեզ
 առ մեզ»: Եւ նա իսկ թագաւորն եւս ա-
 ռաւել ուրախ եղեալ յայսմ՝ յոյժ փառա-
 ւորէր զ՚ստուած. զի որպէս իւր լուեալ
 էր յաղագս Քրիստոսի, նոյնպէս տեսանէր
 զգորութիւնս և զզարմանալիս զոր առնէր
 Աշդէ առաքեալ անուամբն Քրիստոսի:
 Եւ ասէցնա Աբգար թագաւոր, թէ «Ար-
 պէս յղեցի ես առ Քրիստոս ի թզթին իւ-
 րում (52), և որպէս նա յղեաց առ իս, և ըն-
 կալայ ես ի քէն սյսօր, նոյնպէս հաւատամ
 զամենայն աւուրս կենաց իմոց, և ի նմին կամ
 մնամ պարծելով: Քանզի ի միտ առեալ իմ
 եթէ չիք այլ գորութիւն որ առնի ան-
 ուամբ իւրով նշանք և սքանչելիք, բայց մի-
 այն գորութեամբն Քրիստոսի զոր առնես
 դու մեզ ստուգութեամբ (53): Եւ արդ-
 այսուհետեւ նմա երկիրս պաշտանեմ ես, և

Մայանու (34) որդի իմ և Աբգոստինէ և Շեղամաթէ թագուհի : Այլ արդ ուր և կամիս դու շինեա եկեղեցի ժողովրդանոց՝ որոց և հաւատացին և որք հաւատան բանից քոց . և որպէս հրահայեաց Տէրն քո՝ եղիցես պաշտել համարձակութեամբ յամենայն ժամու . և որք կամին լինել ուսուցիչք և քարոզք աւետարանիս այսորիկ , պարգեւս մեծամեծրս շնորհեմ նոցա : Այլ այլ ինչ գործ մի լիցի՝ բայց միայն պաշտօն . և ամենայն որ ինչ միանգամ պիտոյ է քեզ ի պէտս եկեղեցւոյ , ես տաց քեզ անհամար . և որպէս բան քո աիրէ և իշխէ ի քաղաքիս յայսմիկ , նոյնպէս առանց նուիրակի մոցես առ իս համարձակութեամբ յապարանս պատուոյ թագաւորութեանս իմոյ » :

Այլ էջ Աբգար թագաւոր յարքունսկան յապարանս իւր . և ուրախ եղել նա մեծապէս հանդերձ ամենայն իշխանօք իւրովք Աբգուու և Վարմուաւ և Շամշագրամաւ և Աբուբաւ և Սիհրդաթաւ , և ամենայն (35) որ միանգամ տեսին աչօք իւրեանց , և լուան աղանջօք իւրեանց , և ուրախութեամբ սրտից իւրեանց փառաւոր առնէին զՍտուած որ դարձայց զմիտս նոցա առ ինքրն : Այլ իբրեւ ուրացան նոքա զկրօնս հե-

Թանտու թեանն յորում կային, և խոստու
 վան լինէին յաւետարանն Վրիստոսի: Եւ
 շինեաց անդ Ադդէ զեկեղեցին, և մատու
 ցանէին ի նմա զուխոս և զպատարագս իւ
 րեանց ինքեանք և բաղմուծիւն քաղաքին,
 և անդ փառաւորէին զԱստուած զամենայն
 աւուրս կենաց իւրեանց:

Եւ մատուցեալ առ Ադդէ Աւիդա և
 Քարթագաբա որ էին գլխաւորք և հրամանա
 տարք քաղաքին, որք զգեցեալ էին զսոյրս
 արքունական, և հարցանէին զնա վասն գա
 լտեանն Վրիստոսի զի պատմեսցէ նոցա,
 թէ զիարդ իբրեւ զԱստուած էր նա, և ե
 րեւէր նոցա իբրեւ զմարդ. կամ որպէս կա
 թող էիք հայել յերեսս նորա: Եւ նա զա
 մենայն ինչ ցուցանէր և ուսուցանէր և
 հանգուցանէր զչարժուն միտս նոցա վասն
 ամենայնի զոր տեսին աչք նոցա և լուան
 ականջք նոցա ի նմանէ. Եւ զամենայն ա
 սացեալս մարգարէիցն վասն Վրիստոսի կար
 գէր առաջի նոցա, և ընդունէին զբանս նո
 րա քաղցրութեամբ և հաւատովք. և ոչ
 ոք էր որ ընդդէմ դառնայր նորա, քան
 զի ոչ թողուին առսքինութիւնքն զոր
 առնէր նա՝ թէ ոք դիմահար լիցի նմա:
 Այլ Շաւիդա և Աբեթնաբու գլխաւոր

քրմապետք քաղաքիս այսորիկ հանդերձ Պե-
 րողիւ և Գանկովաւ ընկերօք իւրեանց, իբ-
 րեւ տեսին նորա զնշանսն զոր առնէր Աք-
 դէ առաքեալ, ընթացան նորա և խելին
 զբազինան յորոց վերայ զոհէին Վարուայ և
 Բէլայ Աստուածոց իւրեանց, զբազինն մեծ
 որ ի մէջ քաղաքին. և աղաղակէին ասելով,
 Թէ « Ղշմարիտ աշակերտ է սա Վարդապե-
 տին մեծի լուսաւորելոյ և փառաւորելոյ,
 զորմէ լսէաք զոր միանգամ առնէր յաշխար-
 հին Պաղեստինացւոց: Եւ ամենեքեան որ
 հաւատացին ի Քրիստոս՝ ընդունէր զնոսա
 Աքդէ առաքեալ, և միրտէր զնոսա յանուն
 Հօր և Արդւոյ և Հոգւոյն սրբոյ: Եւ որք
 միանգամ քարանց և փայտից երկիրպագա-
 նէին, գային նստէին առ ոսոս նորա ուսա-
 նել և խրատել ի նմանէ, զի հեռացին ի
 գարշելեացն և ի հեթանոսական մորրու-
 թենէ: Եւ Հրեայքն գիտակք օրինացն և
 մարգարէիցն՝ կտաւաւաճառք, և նորա հա-
 ւանեալք աշակերտեցան խոստովանելով
 ի Քրիստոս, եթէ նա է որդի Աստուծոյ կեն-
 դանւոյ:

Այլ ոչ ինքն Աբգար Թագաւոր և ոչ
 Աքդէ առաքեալ նեղէին զոր, Թէ բռնա-
 դատելով որ հաւատացէ ի Քրիստոս (56).

քանզի առանց բռնութեան ուրուք՝ բռն-
 նութիւն նշանացն և սքանչելեացն նե-
 ղէր զնոսա հաւատալ ի նա . և սիրով ըն-
 դունէին զվարդապետութիւն նորա ամե-
 նայն աշխարհն Միջագետաց և ամենայն
 հողմանքն որ շուրջ զնովաւ : Բայց Ագգէ
 հերպասագործ և խոյրաքանդակ թագաւո-
 ըին և Փղոս և Բարշղամա և Բարսեմիա
 հանդերձ այլովք ընկերօք իւրեանց յարե-
 ցան նորա Ագգէ առաքեալ, և ընկալա-
 զնոսա հաղորդելով ընդ իւր ի պաշտօն և ի
 վարդապետութիւն : Եւ իբրեւ ընթեռ-
 նութիւն նորա զհին կտակարանն և նոր (37) .
 և զմարգարէական գիրս և զգործս առաքե-
 լոցն ամենայն ժողովրդեան եկեղեցւոյն . և
 պատուիրէր նոցա Ագգէ զգուշանալ նոցա
 յամենայնէ զի լիցին սուրբ մարմնով իւ-
 թեանց և պարկեշտք հոգւով, որպէս վայե-
 լէ մարդոց սրբոց, որք կան առաջի սեղա-
 նոց Աստուծոյ : « Եղերուք, ասէ, հեռանալ ի
 սուտ երգմանէ և յամբարիշտ սպանմանէ և
 յանօրէն վկայութենէ . և որ ի շնութիւնս
 խառնակեալ են, և ի կախարդաց յորոց վե-
 րայ չլինի ողորմութիւն, և ի խտրոց և ի
 կիւսից և ի վահկաց և ի բախտից և ի ծնըն-
 դոց, որովք պարծին Քաղդէացիք մուրա-

կանք, և յաստեղագիտութենէ և ի մղավա-
 շէից (38) յորս յուսացեալ են յիմարեալքն :
 Եւ ի բաց արարէք ի ձէնջ զակնառութիւն
 մեղաց և զկաշառս և զպատարագս որով
 պարտաւորին արդարք, և կուրացուցանեն
 զաչս առողաց : Եւ ի պաշտամանդ յոր կոչե-
 ցարուք՝ մի եւս լիցի ձեզ վաստակ, այլ
 զի Տէր է հանգիստ պաշտաման ձերոյ զա-
 մենայն աւուրս կենաց ձերոյ : Եւ եղիցիք
 փոյթք ի մկրտել. և մի սիրէք զահա աշխար-
 հիս այսորիկ, և եղիցիք առնել դատ արդա-
 րութեան և ստուգութեան (39). և մի լինիք
 գայթակղութիւն կուրաց, դուցէ հայիցի
 ի ձեզ ահն (40) այնր որ եբաց զկոյրս՝ որպէս
 տեսաք մէք : Ամենայն ոք որ տեսանէ զձեզ
 այսուհետեւ, ի միտ առցէ՝ թէ կատարիչ
 էք դուք ամենայնի որոց քարոզէքդ և ու-
 սուցանէք ։

Եւ պաշտէին եկեղեցւոյն զոր շինեաց
 Ագգէ առաքեալ բանիւ և հրամանաւ Աբ-
 գարու թագաւորին : Եւ էին նոքա մատա-
 կարարք թագաւորին, և նախարարաց իւ-
 րոց ի պէտս եկեղեցւոյ և ի սուրս աղքա-
 տաց : Այլ ժողովուրդ բազում ժողովէին
 որ ըստ օրէ, և գային յաղօթս և ի պաշտօն,
 և շինէին ի հնոց կտակարանաց և ի նորոց

Չօլերս խաչանց և արճառոց և ամենայն չոր-
քոտանի անասնոց, և միահաղոյն խառնեալ
վարեցին զառ ի վայր ընդ գետն խաչինուր .
զգերին և զանասունան ընդ միմեանս խառ-
նեալ էին իբրեւ գնեղեղ յորդ, և որպէս
զբանակ մեծ ի գնալն իւրեանց . զոր և մեք
աչօք իսկ նկատէաք . քանզի փոխատեայ հա-
սեալ էաք ի կատար լերինն որ ի վերոյ է
որբոյ Աթուոյն Ղանձասարոյ . և ուր նոցա
օջ հասին առ մեզ : Այլ մեք անտի հայե-
ցեալ տեսանէաք զեղեղոցն իրագործութիւ-
նն . և այս եղև ի ռճհա թուին, ապրիլ
ամսոյ քսան, յաւուր աշխարհամատրան կիւ-
րակէին : Աստանօր տեսանելի է զաղէտ յե-
տամնացելոց, զսուգ կոտորելոցն, և զաշ-
խարս գերելոցն, զկսկիծ մարցն, և զաղէտ
գերեալ զուակացն, զողբումն որք մնացե-
լոցն, և զաւարառութիւնն ընչիցն, զձայն
լալականացն խառնեալ ընդ վայումն միւ-
ջակաուր արան յ, « րդարեւ զբնութիւնս
լերանց և կարծր վիմայ փոխեալ՝ ընդ ին-
քեանս սգակից ինքեանց առնէին :

Իսկ զօրք թշնամեացն տարեալ զաւարն
և զգերին խառնեցին ի բանակն իւրեանց .
և չուեալ ի Ականակերտու բանակեցան ի
վերայ գետոյն Արբղու, զոր այժմ թար-

Թառ կոչեմք ըստ սարսկականին, ի վերայ
կամրջին որ Ղառի-բորվի ասեն: Ալ ոչ
տեւեցին անդ, այլ և ոչ կարացին այնքան
մնասել երկրին Չա աբերդու և Պարտա-
յու՝ որպէս մերոյս: Քանզի նորա յառա-
ջազգած լեալ ի յամուր տեղիս լերանց իւ-
րեանց ամրացեալք էին, մանաւանդ թէ
երիտասարդք սմանք ընդդիմանային եւս, որ
և զբազումս հարին ի թշնամեացն, վասն որոյ
զաւարն և զգերին ճեպով անցուցին ընդ
գետն մեծ Աուր ի կողմանս իւրեանց, և ին-
քեանք փութացան հասանել ի վերայ քա-
ղաքին Քանձակու:

Յայսմ վայրի ի սոցանե վտանգեալ և
նեղեալ մեծ պարոնն Քալպալի-պեկ, տէրն
Չարաբերդու և Ղայնաղին, որ էր թոռն
Քարկահղու ի սուլտանին: Քանզի փախըս-
տեայ ի յերկիրն Օարոյ էր, և անձարակ
լեալ եկն առ սոսս: Ալ զկնի քանի ինչ
աւուր զորդին իւր սրտանդ տուեալ, և
ինքն գաղտ դարձեալ եկն ի տեղի իւր: Իսկ
նորա գնացեալ նստան ի վերայ քաղաքին
Քանջայու յաւուրս երկոտասան, աւելի կամ
պակաս, և ոչինչ կարացին առնել, քանզի
իներբուստ ընդդիմանային քաղաքացիքն,
և մանաւանդ թէ յառաջագոյն իրազեկ ե-

զէալ վասն սոցին գալտեան մեծատունք և
 ճոխք քաղաքին, գնացին ի քաղաքն Տփլսեաց
 առ Թագաւորն Վրաց Վախտանկ, գալ
 յօգնութիւն իւրեանց, և նա խոստացեալ
 էր գալ: Եւ յորժամ մօտ եղեն սուրհանդա
 կըք, և պատգամաւորք սոցա մի զմիոյ կնի
 ընթանային զկնի նորա, որ և եկին իսկ քառա
 տուն հազարաւ ի վերայ Վազկացն: Եւ յոր
 ժամ եհաս նա յերկիրն Շամքօռու, աքա
 ւասի սկսան սորիլ դէպ ի Աուր գեան, և
 այսպէս մի ըստ միջէ գնալով ի մէջ երից
 աւուրց չիք եղեալ կորեան ի տեղիս իւ
 րեանց, և բարձան ի միջոյ: Իսկ Թագաւորն
 Վրաց Վախտանկ եկն յորով ամբօխիւ ա
 լելի եւս քան զքառատուն հազար, և
 բանակեցաւ ի հարաւոյ կողմանէ քաղաքին
 Գանձակու օգնութեամբն Քրիստոսի Աւ
 տուծոյ, որում փառք յաւիտեանս, ամէն:

Գ Լ Ո Ւ Խ Զ .

Վասն երկրորդ գալտեան լագարին Վրաց Վախ
 տանկին ի Գանձաց:

Եւ որպէս պատմեցաք զառաջին գա
 լտաւ Վախտանկին յօգնութիւն քաղա
 քին Գանձակու ի կողմանէ աւարառու

Թեան ազգի Վաղկաց, որ և զնոսա փախըս-
տական արար առանց պատերազմի. և ինքն
ամսօրեայ աւուրք նստաւ մերձ ի քաղաքն :
Իսկ քաղաքացիքն բանաւոր եղեն առ նա,
և ասեն. ոչ լինէր գալուստ Վաղկացն առ
մեզ և յերկիրս մեր, եթէ ոչ ի մերձակայից
և ի շրջակայ ազգացս որ զմեօք են համակամ
և միաբան չէին լեալ ընդ նոսա : Քանզի ի
տատարելոյ սոցա եկին նոքա, վասն զի միա-
կրօնք և համագէնք և Սուներ են : Արդ՝ ե-
թէ դու մեծի Շահին բարեկամ և սիրելի
ես, և մեզ կամեցող, պարտիս և դու զնոսա
գերել աւարել և կողոպտել : Այլ և պատճառ
մի սոցին այսպէս ասելոյն. զի վասն գալըս-
տեան նորին յօգնու թիւն ինքեանց, բազում
և յոլով գրամս խոստացեալ էին նմա, և ի չը-
տալն իւրեանց զնոսա, մասնեցին զնա ի ձեռս
նորա : Այլ զի էր յաւուրս գարնան ի յամսեա-
նքն մայիսի, ի ռճհա թուին, և առ հասարակ
փրանարնակ ազգքն՝ որ և Թարաքամայ կոչին,
որ խաչնարածք ելեալ էին ի լերինս և ի հո-
վանոցս և ի խոտաւէտ տեղիս ըստ նախնի
սովորութեան իւրեանց, մանաւանդ թէ փա-
խատեայ իսկ էին և նոքա ի յահէ Վաղկուն,
և այժմ ի թելադրութենէ Քանջեցւոց, ո-
րոց գլխաւորն էր Չաւատ անուն խանն, հը

բաման արար Վախտանին զօրաց իւրոց ելա-
 նել ասպատակ ի վերայ այնոցիկ յորոց նոքա
 ասացին : Եւ իսկոյն գունդագունդ ելեալ
 Միլեկան ազգն Վրաց առաւել անողորմ
 քան զԿովկասայինսն , սիւեցան ի լերինս և
 ի ծորակս և յարձակ վայրս երկի թ Օսկա-
 մու , Շամքորոյ , Գանջապասանու , Սսկա-
 նապատու , Քուրաքչայու , և Պարտայու ,
 մինչեւ ի Գուլստան գեղն և ի գետն Բըր-
 դու : Եւ թէպէտ սպանու թիւն և գերե-
 վարու թիւն ոչ այնքան արարին , սակայն
 զոր ինչ տեսին աչք նոցա , չորքօտանի անա-
 սուն , մինչեւ ի հաւ և ցկատու և ցշուն .
 իսկ զանշնչից ոչ է ասելի , զի մինչեւ զփայ-
 տեղէն և զպրտեղէն և զխեցեղէն տարան :
 Եւ եթէ այս այսպէս , և զինչ գրեցից սա-
 կրս պիտոյ և պատուական ընչից և գոյիցն ,
 ոսկեղինաց և արծաթեղինաց , և այլ ազգի
 ազգի կահուց և կարասեաց , և զի ասելի
 թէ ի բազմութենէ աւարին , այսինքն պղըն-
 ձոյն , երկաթին , և շորեղինին ոչ բաւէին
 բեռնակիրք . այլ սայլուքն որ ընդ ինքեանս
 այնու կրէին ի բանակս իւրեանց , որ էր մերձ
 Գանջայու , ի Չօրակ անուանեալ վայրն :
 Եւ զայս ոչ թէ միայն յառաջ ասացեալ
 Մահմետականացն արարին , ոչ , այլ ընդ նո-

օրն խառնեալ և զամենայն գաւառս Հայոց
 ի վերոյ գրեալ յերկրէն միօհազոյն աւարի
 առին զչարժուէն և զանչարժուէն: Այլ զի լինէր
 երբեմն գուճիկ ինչ զօրացն Արաց, դիմէին
 ի գեօղ ինչ քրիստոնէի, և նորա քահանայ
 իւր և ժողովրդօք ընդ աւաջ լինէին նոցա
 խաչիւք, շուրջառօք, զանգակօք, և մամեղինօք
 իբրեւ զքրիստոնէի: Իսկ Արացիքն ի վե-
 րայ անկեալ կողոպտէին զզգեստան, և զեկե-
 ղեցին, զգիրք, և զամենայն անօթս. զարս և
 զկանայս, և զամենայն ինչս գեղն մերկ ի
 մօրէ կողոպտեալ և աւարի առեալ գնային.
 և այսպէս զամենայն գաւառս և զեկեղեցիս
 կողմանցն Գանձակու աւեր և թափուր ա-
 րարին յամենայն ընչից, և լցին զքանակս իւ-
 րեանց: Այլ զթիւ հօտից և անդէոյ և աւ-
 ջառոցս կարէ տսել. բանլի կարգ և սովորու-
 թիւն է նոցա յամենայն աւարէ զտասանոր-
 գըն տալ գլխաւորին իւրեանց. այժմ առէին
 զքաժին նորա ի յոչխարաց քսան և հինգ
 հազար, և յարջառոց ինն հազար, և զայ-
 լն մտօք զննեոցես: Այլ զի այս եղեւ օ-
 գուտ մեզ գալուստ նորին, որ զմնացեայն
 ի ժպիրհ աղգէն Աեղկաց ճաւաղ արարին
 ագահ և անյագ և անսղորմ աղգն Արաց:
 Այլ գիտելի է, զի թագաւորն Ախտանկ,

Ինքն այր բարեսէր, երկիւղած յաստուծոյ,
 և բրիտոննէասէր և անյիշաչար էր, որ և
 յոլով անգամ պատուիրէր և սպառնայր
 զօրացն ոչ առնել այնպէս զբրիտոննեայսն՝
 որպէս վասն սպանութեան և գերութեան .
 Իսկ նոքա ըստ բիրտ և սուպա բարուցն Վը-
 րաց ոչ անսային, և ոչ ըսէին հրամանի գը-
 խաւորին իւրեանց: Ալ սոքա զայս արարեալ,
 և ապա դարձան ի տեղիս իւրեանց, և մնաց
 երկիրս մեր անտերունջ և անգլխաւոր, և
 սկսան մարդիկ իւրաքանչիւր զհաճոյս կամաց
 և մտաց իւրեանց առնել: Աւստի և իմ
 տեսեալ զայս և նկատեալ զի յաւարտ իրին
 ոչ գոյ նշան խաղաղութեան, որ և էի ի
 մէջ բանակին Վախտանկայ, ընդ նոսին և
 ես ուղղեցայ գնալ յերկիրն Վրաց, որ և
 գնացաք իսկ, և յուղի անկեալ ի Վանջայու-
 ի ոճհա թուին, մայիսի ամսոյ իր, մտաք ի
 Տիխիս քաղաքն, մնալով անդ ամիսս չորս :
 Ալ ի մտանել տշնան, յամսեանն սեպտեմ-
 բերի սկսաւ կրկին դառնալ ի Վանջայ Վախ-
 տանկ այսու պատճառաւ :

Վանգի ի նուաղիլ միանգամայն և ի ըս-
 տորանկանիլ թագաւորութեանն Պարսից,
 զոր յապայն ասասցուք զորպիսութիւն իրին,
 առաւել եւս բարձրացան թշնամիք նորին

մանաւանդ կայսերքն մեծամեծք և ինքնա-
 կալք Ռուսացն ասեմ՝ որ Մոսկովու, Պետ-
 րոս Թագաւորն և Հոռոմոց Կոստանդնու-
 պօլեաց տիրող իսմայէլացին. սոքա յիւրա-
 քանչիւր դիմաց սկսան զօրս յարուցանել ի
 վերայ երկրին Պարսից. զի Ռուսն օգնել
 կամէր Թագաւորին Պարսից, իսկ Հոռոմա-
 յեցին (օսմանցին) առնուլ ջանայր յինքն,
 ասելով: Արովհետեւ այլք կամին աիրել կող-
 մանցն այնոցիկ, ինձ անկ է առնուլ. վասն
 զի յառաջնմէ մեր էր երկիրն Կորագատակա-
 նի: Սակս սցար պատճառի սկսան յերկուց
 կողմանց պատգամս յղել առ Թագաւորն
 Վրաց Վախտանկ. մին ասելով յիմ կողմն
 լնր, և ինձ հնազանդեա. և միւսն թէ՛ հա-
 ւատակից իմ ես, պարտիս ինձ անալ և առ-
 իս գալ. քանզի պայման ուխտի և ժամա-
 գիր եղեալ էր Թագաւորն Պետրոս առ
 Վախտանկ, զի յայսմ աշնան ի մուտն հոկ-
 տեմբերի՝ ինքնին ի քաղաքն Շամախի հա-
 սեալ և զնա անդ ի պատրաստի գտանել
 պարտ է: Յայսմ նուագում Թագաւորն
 Պարսից, որ հանդերձեալ էր անկանիլ ի
 դահոյից և ի բարձրութենէ իւրմէ, փու-
 Թանակի հրովարտակ մի հասոյց առ Վախ-
 տանկ, եթէ «Քեզ ետու զամենայն իշխա-

նութիւն կողմանցդ Վանջայու , և ամենայն
 Արարատականի , և զքեզ կարգեցի գլուխ և
 տպարապետ ամենայն իշխեցողաց կողմանցդ
 այդոցիկ . վասն որոյ շեշտակի զօրս գուժարեալ
 գայեցս ի Վանջայ , և պահ կալեալ զգուշաս-
 ցիս կողմանցդ այդոցիկ ի թշնամեաց մերոցո :
 Օայս հրաման և ի նմանէ ընկալեալ Աթի-
 տանկին , մտախոհ եղեալ ի սենեակ սրտի իւ-
 րոյ այսպէս , եթէ ահա ստիպիմ ի յերկուց
 ինքնակարացս , որ և հարկ է զհրաման միոյն
 կատարել : Արդ՝ հոռոմայեցին այլահաւատ
 և օտար գոյով ի մէնջ , կամի բռնութեամբ
 տիրել երկրի մերում : Իսկ կողմն այս , զի մին
 բուն տէրն մեր է , ասինքն Պարսից թագա-
 ւորն , և միւսն հաւատակից մեր և քրիստո-
 նեայ կայսր է , մանաւանդ թէ՛ հզօր զօրու-
 թեամբ : Արդ՝ դիմեալ գնացից ի հրամա-
 նրս նոցա , և յորոց ի նոցանէ յաջողեցի ըզ-
 հրամայեալն՝ զայն կատարեցից :

Աւ իսկոյն հրամանս եհան զօրս գուժար-
 ըել , և վաղվաղակի ժողովեալ զբաղմու թիւն
 զօրաց ազգացն Արաց և Հայոց , և ոչ ոք
 եթող զոր ոչ եբարձ ընդ իւր , ընդ որոց և
 զիս էառ բերել . զի գնայն մեր անդ մինչ
 չեւ ի դարձս այս սիրով ընդունէր զմեզ , և
 զուճիկն մեր ի յինքենէ էր հրամայեալ : Աւ

ելեալ ի Տփլիսու անբաւ ամբօխիւ , զորոց
 որքանութիւնն անբաւ գողով՝ ոչ կարացաք
 գրել , և եկեալ հասաք ի կամուրջն կոտո-
 բած՝ զոր Անդբօրիի ասեն , յաւուր տօնի
 սրբոց խաչին : Այլ ապա աստ յայսմ աւուր
 յառաջ կոչեցեալ զիս՝ հրամայեաց նախ
 քան զինքն յառաջ ընթանալ յերկիրն մեր
 Վարաբաղ , և զհայազուն զօրսն՝ որ գումա-
 րեալ կային անդ ի ձեռն Աելիքներաց , և
 չորս գլխաւորք եղեալ երիտասարդացն , որոց
 անուանքն են Աւան , Շրուան , Շահնի , և
 Սարուխան , որ և սոքա հարիւրապետք և
 իւրապէս կոչէին : Սոքա ընդ Աելիքներացն
 Վարաբաղու , զկնի առաջին դառնալոյն
 Վախտանկին և խախտելոց իշխանութեան
 Պարսից , միաբանեալ ընդ ինչեանս զամե-
 նայն քաջասիրտ և արիական և զօրեղ ման-
 կունս և երիտասարդս տանս Աղուանից ,
 քստ ինքեանց կաղմեալ էին զօրս բազումս
 աւելի քան զերկոտասան հազար , և ամ-
 բայցեալք յամուր վայրսն Արցախու : Այլ
 այսպէս բազում արիութիւնս ցուցեալ
 յերկրիս մերում , որոց պատմութիւնքն յա-
 ռաջակայսդ յաճախագոյնս գտցես :

Այժմս լուեալ սմա զտոցանէ՝ շեշտակի
 ձեպով յղեաց զմեզ վասն առ ինքն ածելոյ

Գնոսա կազմ զօրօք : Ալ ըստ հրամանին եւ
 կեալ մեր յարդարեցաք զնոսա ըստ օրինի
 զօրաց իշխանաց , վասն զի անվարժք էին
 զինուորական սպասաւորութեանց . և այս
 սէս բովանդակեալ զամենայն , և իբրեւ
 տասն հազար արս ընտիրս և սպառազէնս .
 ընդ որոց և զգասս քահանայից և պաշտօ-
 նէից մերոց առեալ մեծաւ ճտնութեամբ
 և խնձոյիւք , համարելով նոր նորոգեալ զիշ-
 խանութիւն Հայոց . և գնացեալ իջաք մերձ
 ի քաղաքն Վանջայ , Չօլակ անուն վայրն՝ յա-
 ւուրս երիս : Վանդի և թագաւորն Վախ-
 տանկ բնակեալ էր յայն կողմ քաղաքին՝ ի
 վերայ ջրոյն որ Ղօջղարի գետ և Ղարա-արխ-
 ասեն . և զկնի երկից աւուրց ապա հրաման
 արար գնալ առ ինքն : Ար և ելեալ գնա-
 ցաք : Ալ ի մերձեալ բանակի նորին , ինքն
 իսկ հրաման արար զօրաց իւրոց ընդ առաջ
 լինիլ մերայնոցն՝ իբրեւ սղջամբ ընդունելով
 Գնոսա :

Ալ այսպէս մեծաւ շքով ի հանդիպիլ մի-
 մեանց երկուց կողմանց զօրացն , և իբրեւ
 զօրէն սպառերազմի ռազմ կարգեալ ճակատ
 առ ճակատ . և քաջամարտիկ մանկունք մե-
 րոցս գիմաց յառաջ խաղացեալ ճախր ա-
 ռեալ քաջընթաց երկվարօք , և զինակազմ

դրահիւք պարէին յանդիման ճակատուն . և
 ի ճայնէ հրացանացն որոտայր և թնդայր
 վայրն այն . և փոշեխառն ծուխ նորին , իբ-
 րեւ զկայծակնափայլ ամուլ արգել զճառա-
 քայթս արեգական , մինչ զի զմիմեանս հա-
 զիւ տեսանէաք : Ալ այսպիսի խրախու-
 թեամբ հասեալ իջաք մերձ առ բանակի
 նոցին : Օր տեսեալ Ախատանկին այսպի-
 սի յառաջադիմութիւն մերայնոցս , ցնծացաւ
 ի հոգի և ի մարմին իւր : Ալ նայնժամայն
 յղեալ կոչեաց առ ինքն զմեզ , և զգլուխ
 կարգեալ տղայսն և զԱլէիքսն . և յորդորա-
 կան բանիւ յուսադրեաց , և զորացոյց ասե-
 լով . « Այսուհետեւ զորասջիք և քաջ լերուք
 իբրեւ յորդիս զօրութեան . և յուսաւքէ և
 յումեքէ մի երկնչիցիք , զի ահա հասեալ է
 ժամանակ փրկութեան քրիստոնէից » : Ալ
 դարձուցեալ զբանն առ մեզ , և յոյժ շնոր-
 հակալ եղէւ զմէնջ . և ի վաղիւն զամենե-
 ցուն զգլխուսուորսն խիլայեաց . և այսպէս
 մնացաք առ նմա իբրեւ աւուրս քսան և
 հինգ :

Ալ պատճառ սորին այսպէս սէր առնե-
 լոյն ընդ մեզ՝ այս է . առաջինն՝ զի բնական
 սէր ունէք ընդ ազգիս Հայոց . և ոչ այնքան
 հաւատայր ազգին իւրոյ Արաց որք միշտ

Ինքնագաւորք և խորամանկք են, վասն այն
 կամէր զայս զօրս՝ մանաւանդ ազգս Հայոց
 իւրն սեփհականեցուցանել որպէս Տիփսի
 սեցիք: Եւ երկրորդ՝ զի յատկացեալ և ըս-
 տու գեալ էր գալուստ մեծի կայսերն Ռու-
 սայ Պետրոսի, և կամէր Հայ և Վրացի զօ-
 րօք ճոխ և շքեղ ընդ առաջ ելանել նմա:
 Բայց զկնի յորով ակնկալութեան և սպա-
 սաւորելոյ համբաւոյ գալստեան նորին,
 մեղք մեր յառաջընթաց եղև քան զնա.
 զի եկն եհաս ի Բուռն Արկաթի, այսինքն՝ ի
 Բարբանտ, և բնակիչք տեղւոյն ինքնակամ՝
 յօժարութեամբ ետուն զամբըն ի ձեռս
 նորա: Բայց ոչ գիտեմ զինչ պատահումն
 եղև. ոմանք ասացին զի ի հիւանդութենէ
 և յայլ պատահարաց վնասք յորով եղև զօ-
 րուն, և կտորու մն ձիոց վասն անընդելու-
 թեան նոցա օդոյ եղանակի երկրին. այլ և
 նաւաբեկութիւն եւս լեալ զինուց, այսինքն
 Զապախանից, (Ճէպհանէ) և ոռճկաց զօրուն.
 և այլք այլ իմն պատճառս ասացին: Օրինչ
 և իցէ, անտի եղև դարձ նորին, թողեալ
 զօրս յորովս անդ՝ պայմանեալ ի գալ միւսոյ
 ամին դարձեալ դառնալ, և ինքն չորաւ
 յերկիր իւր:

Եւ զայս լուեալ Վախտանկ, սա եւս

սկսաւ դառնալ ի տեղի իւր , զի ի սոյն նը-
 լադում համբաւ եւս եհաս ի դրանէ թա-
 գաւորին Պարսից , թէ զքաղաքն Ասպահան՝
 Շահն և զօրք իւր իներքս փակեցին , և մերձ
 են ի յառնուլ : Այլ եւս զկնի իւր սուր-
 հանդակքս եւս հասին , եթէ ահա ի հին
 թշնամեաց քոց կամին յառնել ի վերայ
 տան քաղաքիս քո , փութանակի պարտիս հա-
 սանել այսր : Յաղագս որոյ վաղվաղակի յա-
 բուցեալ դարձաւ ընդ կրուսկն , և սուղ
 ինչ պատերազմեալ ընդ Վազախու երկրին
 սակս առաջնոյ ինչ քինու իւրեանց , գնաց
 ի տեղի իւր ի քաղաքն Տփլիս : Իսկ մեք ան-
 յոյս մնացեալ առաջնոյ ասացեալ յուսոյն ,
 դարձաք իւրաքանչիւր ի տեղիս մեր , և ամ-
 բայաք ի լերինս ուր և դժուարին էր :

Իայց սակս որախու թեանց Վախտան-
 կին դարձեալ կոյ մեզ ասել սակաւ ինչ
 պատմութիւն , զի զկնի գառնալոյ նորա՝
 տակաւին բռնաւորն Գանջայու և Կախե-
 թու և Երեւանու և Պորչալուին , և
 Վազախու ի տեղիս իւրեանց էին : Սորա
 ամենեքին թշնամիք եղեալ ընդ նմա , մա-
 նաւանդ ուրացեալն Ահամմատղուլի խանն
 Կախեթու , որոյ յառաջն Կոստանդ ասէին , ի
 թոռանց թամբազին , և Օղուրու անուն

իսնն Վանջայու, որ ազգաւ և ի բնուտո
 թնամիք էին ընդ ազգին Վախտանկայ,
 այժմս միաբանեալ առ հասարակ յապստամբ
 բուծիւն, գրեցին զՎախտանկայ առ նոր
 անուանեալ շահն թահմաղ, քանզի մի ի
 յորդուոցն շահ սուլտան Հիւսէինին՝ թահ-
 մաղ անուն, փոխուցին Ղուպահանու և բե-
 րեալ ի Վաղուին արարին շահ: Առ սա գը-
 րեցին վասն Վախտանկին, եթէ խորհեալ է
 զապստամբութիւն ի քէն, միաբանէ ընդ
 ինքեան զազգն Հայոց և Վրաց, և դեսպա-
 նիս արձակեալ առ թագաւորն Ռուսայ՝ զի
 եկեալ տիրեացէ աշխարհիս քո: Արդ՝ զոր
 ինչ հաճոյ է յաչս քո՝ հրամայեացես առնել:
 Իսկ նորաբուսիկ անխահեմն այն գրեաց հը-
 բովարտակ, եթէ զերկիրն կախեթու, և
 Քարթալոյ որ է Տփլիսիս, բոլոր թումանօք
 Վրաց՝ ետու Մհամմատղուլի խանին, և
 զամենայն գլխաւորս և զզորս Վանջայու,
 Արեւանու, և զայլս և զվերոյ գրեալսն և
 տու օգնական նմա, ահա պահանջեմ ի ձէնջ
 զՎախտանկն, և կամ զգլուխ նորին վաղ-
 վաղակի յղեօջիք առ իս: Առ ապա յամե-
 նայս կողմանց ժողովեալ զօրաց ի վերայ նո-
 ռա, և նոյն ինքն Մհամմատղուլի խանն, ի գի-
 շերի գաղտ եմուտ ի բերդն՝ ոչ գիտելով

Վախտանկին . և ընդ առաւօտն յանկար-
 ծակի ձգեաց թօք ի վերայ ասնն Վախտան-
 կին և ասէ . « Հրաման է շահին , եւ աստի և
 գնա » : Իսկ նա հաղիւ թէ զերծեալ էր ի
 Պորսից , զոր յառաջնմէ երգմամբ կոչեցին
 առ ինքեանս , և զամս երիս ի խորին Պարս-
 կաստան յաքսորս պահեցին . և դարձեալ ե-
 տուն զպարապետութիւն զօրացն Պարսից
 զամս երկուս . և ապա զիւր հայրենի իշ-
 խանութիւնն տուեալ հրամայեցին դառ-
 նալ ի տեղի իւր : Յետ այսորիկ եկեալ
 Վախտանկին , և թէպէտ առ երեսս այլ իմն
 կերպիւ կեայր , այլ ըստ մտացն խորհրդոյ՝
 դժուամս սրտին յայտնի էր յաչս ամենեցուն .
 վասն այնորիկ յոյժ ատելիք էին նմա Պար-
 սիկք , և նոքա նմա թշնամիք . այժմս ի յօրի-
 նիլ ի վերայ նորա պատերազմն , և նա ժա-
 ղովեաց զզօրս իւր , մանաւանդ զքաղաքա-
 ցիան , զհայազունք քաջամարտիկ գորականսն ,
 սրբ զհոգիս և զորդիս , զինչս և զանձինս
 եղեալ էին ի վերայ նորա յօժար սրտիւ . և
 սկիզբն ար . ի՛ զպատերազմն յառաջներորդ
 դէն դեկսեւթեր ամսոյ՝ մինչեւ ի տօն սրբոյ
 Օտոկին . Վախտանկին վրացի և հայ զօ-
 րօք , իսկ Մհամմատղուլին պարսիօք :

Օինչ այլ գրեցից սակս սուերութեան

և գերութեան և սպանութեան երկրին
 այնմիկ, այլ զի առաջինն այն եղև աւարտ
 իրին որ գորսն Պարսից յաղթահարեցին կո-
 տորմամբ և փախստական առնելով. և ըզ-
 նոյն ինքն զՄհամաաղաւ լին զաս ի գորացն
 միայն գտեալ՝ հալածեալ էին մերձ ի հասա-
 նել. և նա զերասանակ երիւարին ուղղեալ էր
 առ գեան Ալուր ի ներքոյ քաղաքին Տիփսիսու:
 Աւ այնպէս երիւարն արկեալ զինքն ի գե-
 տրն, և ի լող անցեալ յայնկոյս՝ գնաց յեր-
 կիր իւր ի Ասխէթ. բայց ոչ կրանցաւ և ոչ
 դադարեաց ի չարութենէ, զի որպէս զհուր
 վառեալ էր ի չար նախանձուն, և երկրորդ
 Յուդաց զբեցեալ էր զհայր իւր զուսումնայ:
 Քանզի գնացեալ իսկոյն ընդ իւր միաբա-
 նեցոյց զազգն՝ ազկեաց և զամենայն կովկա-
 սային լեռնաբնակիչսն, զի անյուսացաւ ի
 կողմանցն Պարսից. և ընդ նոսա ուխտեաց
 այսպէս. «Աթէ սատարիցէք ինձ և օգնիցէք
 և ձերով օգնականութեամբ և զօրութի
 առից դքաւորքն Տիփսիս, ձեզ տաց որ ինչ
 դատանիցի ի նմա, ոսկի և արծաթ, կերպա-
 սեղէնն, կտաւն, և բրդեղէնն, սղինձն,
 երկաթն, և անագն, միանգամայն և գե-
 րին զոր ի նմա գտանիցէք: Աւ ի վերայ այ-
 սրր ամենայնի ըստ մարդաթուի ձերոյ ա-

մենայն մարդոց երկա թուաման եւս յինէն
տաց, միայն թէ մեծ նախանձու իմոյ զվը-
րէժն առից ր :

Օ այս լուեալ ի նմանէ կիրթքն ի չարիս,
և աշխարհակործան մոլեգին լեգէոնն սա-
ղայէլի, զի այսպիսի աւետիս ետ զօրապե-
տրն իւրեանց, և յոյժ զւարձացան ի սիր-
տրս իւրեանց, և խոտացան կատարել զկա-
մրս նորա : Եւ վաղվազակի ի մի վայր ժո-
ղովեալ բաղմութիւն յոյժ վայրենաբարոյ
ազգացն լեռնական բարբարոսաց, հանդերձ
գլխաւորօքն իւրեանց զոր Ալի սուլթան և
Իսմի ասէին, և այլք ոմանք : Եւ յերկա բա-
ժանեալ զգորս վիճակաւ ելին ի վերայ ամե-
նափարթամ քաղաքին Տփլիսաւ, որում ի բա-
ղում ժամանակաց ցանկային, և յանկարձ-
իմն եկեալ պաշարեցին զքաղաքն : Քանզի
զօրք Վախտանկին ցրուեալք էին, և ինքն
անհող կայր, և աւուրս ինչ գիմակայեալ
և ետես զի յուստեքէ ոչ եհաս օգնու թիւն,
այլ և ոմանք ի գլխաւորացն Վրաց և մեծա-
մեծաց յետս չոգան ի նմանէ, որ էր Վարա-
ղախանու Աէօրդի յերկա թաւն և Վախլանե-
ցիք, և ի քաղաքէն ոմանք ևս : Օ այս տեսեալ
Վախտանկին՝ զի յամառելն ոչ օգուտ բերէ
ինքեան և ոչ քաղաքին, իւրովի ել ար-

տաքս ի քաղաքէն յեզր ինչ : Ալ հրամանս
 ետ գլխաւորաց քաղաքին ելանել ընդ ա-
 ռաջ նորա և յօժարութեամբ առնուլ ի
 ներքս զզօրն . զի թերեւս մի խաղառ աւե-
 րեցենն զնսա , և զի զերծցին ի գերութենէ
 և ի սատակմանէ , վասն զի խնայեաց ի քա-
 ղաքն , քանզի սեփական հայրենիք իւր էր :
 Ալ ինքն գնացեալ ի վեր ամրացաւ ի խա-
 ռին Վրաստան , և անտի ստէպ ստէպ հը-
 րեչտակս և գեսպանս առաքէր առ թա-
 գաւորն Ռուսաց , զի զօրս հասուցէ ին-
 քեան ի թիկունս , և ոչ ժամանեաց :

Իսկ Վհամմատղուլին յորժամ եմուտ
 ի քաղաքն հանդերձ քաղմութեամբ Վազ-
 կեացն , և իսկոյն սկսան որանել զքաղաքն
 տանէ ի տուն , և դրանէ ի դուռն . այլ և
 զեկեղեցիոն ամենայն և զվերնատուն և
 զներքնատունն նոցա : Ալ զի ի յոլով ժամա-
 նակաց և այսր անդրդուելի էր ի թշնա-
 մեաց , և խաղաղացեալ ի սլատերաղմի ա-
 մենափարթամ և վայելուչ քաղաքն Տիփսիս .
 և որպէս ամենեցուն է յայտնի , բաղմուշ
 խատ վաճառականք են արք տեղւոյն , և
 փափկասունք և գեղեցկատիպ կանայք ,
 ուստերք և դատերք նոցա , և ըստ կենցա-
 ղոյս քաղաքավարութեան աննմանք ի բող-

մաց . ապարանիւք գեղապաճուճօք զարդա-
 րեալ , կահիւք և կարասեօք ուռճացեալք . և
 քստ ժամանակի իշխանութեան . Հայոց զա-
 մենայն սպասս և անօթս տանց և սեղա-
 նոց նոցա զյարվս փոխանակ պղնձոյ՝ արծա-
 թեղէնս և ոսկեղէնս էին կազմեալ . իսկ
 պհանդերձից և զգետուց զարդուց ակա-
 նակուռ դիտակաց մարգարտաշարաց պայ-
 ճառութիւն՝ դիտեա օրչափ որ միտք քո բա-
 ւեն : Այլ վասն եկեղեցեացն շքեղութեան
 և պայծառութեան զինչ ասացից . զի յոյժ
 շքեղացուցեալ էին ոսկեղինօք և արծա-
 թեղինօք և դիպակօք . և ամենայն կահիւք
 և կարասեօք և անօթեղէն սպասիւք : Օպս
 ամենայն գրեալքս ի ձեռն առին վայրենի և
 անագորոյն և ագահութեան մասամբ ան-
 յագ գաղանաբարոյ և սղրկանման ազդբն
 այնորիկ . և կողսպտեալ թափեցին յինքեա-
 նրս զբաղմութիւն աւարին և զմանկանց և
 զտղայոց , կանանց և աղջկանց՝ զաչաց պհա-
 ճոյսն առին ի գերութիւն . իսկ զխայտա-
 ռակութեանց դչափ ո՞ կարէ պատմել , և զու-
 ւարին զթիւն ո՞ կարէ ընդ դրով արկանել :
 Մայց սպանութիւն և այլ աւելի գերեվա-
 րութիւն ոչ այնքան արարին , վասն զի ոչ ե-
 թող իտանկ . այլ նոքա և ոչ նմա լսէին , քուն

զի զխոստացեալ դրամն խնդրէին . վասն ու
 րոյ ծանր հարկս էարկ ի վերայ քաղաքաց
 ւոցն անչափ համարօք , իբրեւ քառասուն
 հազար թուման , և առեալ զայն՝ ետնոցա ,
 և արձակեաց գնալ ի տեղի իւրեանց :

Վ Ե Ր Չ

